

# პ ი ო ნ ე რ ი

პ-47

1929

30 სექტემბერი

საქართველოს შ. კ. თ. ცენტრალური და ცდაილისის წიგნთაღების და გა-  
ნათლების სასკოლს კომისიარიატის სოციალური აღზრდის მთავარმართ-  
ვალთმის შერჩეული მაგნიტისათვის.

წელიწადი IV  
№ 20

## მ ე თ ო რ მ ე ტ ე მ ზ ე !..

მეთორმეტე მზე ინთება მშრომელთა განთიადისა,  
პიონერებო, ბავშებო!

მეთორმეტე მზე!..

რამდენი ბროლა დაგვკვირდა, რამდენი სისხლი დაი-  
ღვარა, რამდენი დაძაგრული კუნთი გადაწყდა, შრომაში  
და გარჯაში ტანჯვასთან შესისხლხორცებული, ვიდრე ამ  
მზეს მსოფლიოს შუბლზე ავაგორებდით, ვიდრე ვაბრწყინ-  
დებოდა მეწამული, ხუთსხივა მნათობი.

ბავშებო, პიონერებო!

თქვენ რომ მიწაზე დადიხართ, ევ მიწა დანამულია  
მონათა, ყმათა, სუსტთა, მაგრამ მარად მშრომელთა

ოფლით და ცრემლით,  
ცრემლით და სისხლით,  
ყოველგვარი ტანჯვით  
და უბედურებით...

ისინი თქვენი მამები იყვნენ. ეს ისინი აგებდენ ამ სა-  
სახლეებს, ამ ციხე-დარბაზებს, სადაც ილხენდენ ბედნი-  
ერნი, უზრუნველნი, უსაქმურნი და საზიზღარნი.

და, აი, ამ თორმეტი წლის,

თორმეტი ზარის დაგუგუნების,

თორმეტჯერ მზის ამობრწყინის წინ დაინგრა ცი-  
ხის კედლები,

დაიმსვრა ჟანგიანი ბორკილები და განადგურდა ფარი  
და ხმალი, ტყვია და წამალი, მათ რომ ჰფარავდა.

მას შემდეგ ათასი ბრძოლა გადავიტანეთ, ასიათასმა  
მებრძოლმა დახუჭა თვალი და იღვრებოდა სისხლი, ვიდრე  
მტერს უკანასკნელი მახვილი არ გაუგმირავდა განწირულ  
მკერდს.

ახლა კი ისევ ვიბრძვით,

ისევ იარაღი გვიჭირავს ხელში

და ყველა: დიდი და პატარა, მოხუცი და ახალგაზრდა,  
მარჯვენის მუშა და გონების მუშა ხელჩართულ ბრძო-  
ლაში ვართ, თანდათანობით ვდევნით დამღუპველს სილა-  
ტაკეს, ჩამორჩენას, უცოდინარობას და ვაშენებთ,

ვაგებთ,

ვქმნით!..

პირველი მტერი რომ დავამხეთ, მაშინ ს. ს. რ. კ.  
შრომისა და თავისუფლების გმირებმა ამოვისუნთქეთ, რო-  
გორც ფიცხელ და მწვავე ბრძოლის შემდეგ ამოისუნთქავეს  
გამარჯვებული მეომარი, და ეს ჩვენი სუნთქვა სულის-  
შემსუთველ ქარად გარდიქმნა მსოფლიოს მტაცებლების-  
თვის, მუქთახორა მოზიემთათვის.

ბავშებო, პიონერებო!..

მისმინეთ თქვენ,

ვისაც გეკუთვნით ეს დილაც და მომავალი ბრწყინ-  
ვალე განთიადებიც.

მისმინეთ, გესმით!..

ჩვენ ახლა ქვეყანას ვაშენებთ ახალს, ჯერ არყოფილს,  
სადაც მეფე იქნება

გვირგვინი კი არა, — კუნთები, გონება, შრომა.

ჩვენ ვქმნით ცხოვრებას თავისუფალს და ბედნიერს და  
ჩვენ ამისთვის გვინდა მილიონი ქარხანა, ათი მილიონი  
მანქანა და ასი მილიონი მშრომელის გული შეერთებული,  
შემტკიცებული, გადაქცეული ერთ მთლიან გულად, მთლი-  
ანი ძკერდის ქვეშ, რომ ქართველი იყოს მისი სუნთქვა,  
ვულკანი იყოს მისი ცემა, რომ მძლავრი იყოს, შეურყე-  
ველი, რომ სწვავედეს ყველას, ვინც კი სამტროდ მოეკა-  
რება, ვინც ლახვარის ჩაცემას აპირებს.

ამისათვის, პიონერებო, ბავშებო,

ქარხნებისა და მანქანების აგებისათვის  
გამოგვიწოდეთ თქვენი პატარა ხელები, პატარა თი-  
თები, აამოძრავეთ ჯერ კიდევ გამოუტანჯავი კუნთები და  
მოზიდეთ თითო აგური, დაამაგრეთ ფოლადის სალტებზე  
თითო ხრახნი, თითოჯერ დაარტყით გამოუწრთობ რკი-  
ნას ჩაქუჩი

თქვენი პატარა ხელებით, პატარა თითებით, დაუზა-  
რელი ხელებით, და ეს იქნება თქვენი ბრძოლა, თქვენი  
მსხვერპლი, თქვენი გამარჯვება.

მეთორმეტე მზე ინთება მშრომელთა განთიადისა, მე-  
თორმეტე მზე, და როდესაც მსოფლიოს გულზე მთელ თა-  
ვის სიმწვავეს გადააფრქვევს ეს ჩვენ მიერ დანთებული  
მზე — ყოველი კუთხიდან შემოგვეგებებიან გათავისუფლე-  
ბული მონები, მშრომელთა ქვეყანა.

ახლა კი, რომ ამ გამარჯვებასაც მივალწიოთ, ნუ შე-  
ჩერდებით:

მოზიდეთ აგურები, სწრაფად, შეუჩერებლად,  
დაარტყით რკინას ჩაქუჩი მძლავრად, დაულალავად,  
ატრიალეთ, ატრიალეთ ხრახნები...

დაილაღეთ?.. არა დალლა არ შეიძლება, იშრომეთ,  
აკეთეთ, აშენეთ,

ეს ბრძოლაა, ბრძოლა,  
ბრძოლა მსოფლიოს მშრომელთა განთავისუფლები-  
სათვის!..

# პ ი ო ზ ა ს მ ე გ ო ზ ა რ ი

უყვარს კიოზას ბულბული. ხშირად მიეპარება ბუჩქს, სადაც ის გალობს, და ალტაცებით შეჰყურებს მას.

ასეთი პატარა ფრინველია, ნაცრისფერი, უბრალო შეხედულობისა და, როდესაც გალობს, თვალებს ხუჭავს.

— ტია — ტია!

საუცხოვოდ გალობს ბულბული.

დაწვება კიოზა იქვე ბალახზე და ყურს უგდებს.

ცაზე მისცურავს მსუბუქი თეთრი ღრუბელი ძალიან მაღლა და ლურჯი ცის სივრცეში იმალება.

კიოზას დასცხა და ჩავიდა იქვე სარდაფში; მას ეცა ნაღების სუნი, წააწყდა ნაღებით სავსე ქოთანს, რამდენიმე მუჭი ამოუსვა და პირში გადაუძახა.

— უფ, რა კარგია, წყურვილი მომიკლა.

ასეთი საუზმის შემდეგ, რასაკვირველია, ხილი მოუნდებოდა, ხილი კი ტყეშია. კიოზა წავიდა „დათვის მიდორზე“ მარწყვის საძებნად. იქ იმდენი მარწყვია, რომ რამდენიც სჭამო, ვერ მოლევ.

კიოზა გაძღა მარწყვით, მიწვა იქვე ბუჩქის ძირას და მიეძინა.

სძინავს კიოზას და ხედავს სიზმარში უზარმაზარ ზღარბს, რომელსაც ძროხის ოდენა თავი აქვს. აგერ, ძღარბმა ასწია ვიწრო ღინგი და გადაატრიალა თვალები; როგორც ეტყობა, ძალიან გამწყურალია კიოზაზე.

— რას წამოწოლილხარ აქ? მიწა სველია, ნამიანი და გაცივდები.

— ნუთუ ეს ზღარბია! კაცივით კი ლაპარაკობს. მთავარი კი ის არის, რომ მკლავში მეწვევა. ვფიცავარ, გასაკვირი საქმეა! ვინმეს რომ ვუამბო, გაეცინება.

გამოელვება კიოზას, ძღარბი არსად ჩანდა, მხოლოდ თავზე ადგა ვიღაც უცნობი ძია. ისე, საშვალო ტანის, არც საშიშარი, პირმოძვინარე, საყვარელი სახის; გაშვებული წვერები უმშვენებდა სახეს.

— გემრიელად გძინავს!.. გაცივდები...

კიოზამ ასწია თავი, შეხედა ძიას.

შერცხვა, უნდოდა ბუჩქებში მიმალულიყო. მაგრამ როდესაც ჩაანათა მას ძიას საყვარელმა თვალებმა, არ დაიმალა.

— აა, ეშმაკო!.. გაძეხი მარწყვით და გძინავს... არ გეშინია? მგლები შეგჭამს...

კიოზა ჩაფიქრდა.

— აქ რა მგლები არიან? აი იქ, დიდ სახლში, მონადირეები ცხოვრობენ... სადაც ლენინი ცხოვრობს... ხშირად თოფს ისვრიან... შენც მხარზე თოფი გკიდია და რის უნდა მეშინოდეს?!

მონადირემ გაუღიმა კიოზას, გადაიგდო მეორე მხარზე თოფი და ჩაჯდა მუხლებზე.

— სწრაფი ბავში ხარ! შენ განა იცი, დიდ სახლში რომ ლენინი ცხოვრობს?

— როგორ არ მეცოდინება, ვიცი, რომ ცხოვრობს... მე დედა დეღეგატი მყავს, მან ყველაფერი იცის; ჩვენს კედელზე ლენინის სურათი ჰკიდია.

კიოზა დააქებდა მონადირეს.

— ის თქვენ გგავთ. მხიარული სახის... წვერიანი... მხოლოდ მას ყელზე წინწკლებიანი ყელსახვევი აქვს.

მონადირე დაინტერესდა კიოზამ.

— რა გქვია?

— მე? კიოზას მეძახიან.

მონადირე ლმობიერად ესაუბრებოდა. კიოზამ შემჩნია, რომ მონადირის მხიარული გამომეტყველება მისთვის სასარგებლო იყო.

— ისროლეთ?

— არა, არ მისვრია. ვფიქრობდი მელას შეგხედებოდი.

— შეიძლება მომცე? ჰაერში გავისვრი, ანდა ორივემ გავისროლოთ.

მონადირე დასთანხმდა;

— კარგი. აი, წავიდეთ შინ, მოგცემ თოფს და ისროლე. ახლა კი მითხარი, ვინა ხარ და საიდან?

კიოზამ იწყინა ხელმეორედ სახელის შეკითხვა.

— მე ხომ გითხარი, კიოზა ვარ. აქ ყველანი მიცნობენ. დედაჩემი დეღეგატია, ძროხაც გვეყავს, დედაჩემი ზაფხულობით შინ მუშაობს, ზამთრობით კი მოსკოვში მიდის სამუშაოდ. მე კი ბიძაჩემთან ქალამნებს ვკერავ. მაშ!

მონადირემ მიუალერსა კიოზას, თმაზე ხელი გადაუსვა და ჰკითხა.

— რატომ არ დადიხარ დიდ სახლში? იქ ლენინი ცხოვრობს, მასთან დადიან ბავშვები და თამაშობენ.

ლენინს უყვარს შენსავით ცოცხალი და სწრაფი ბავში.

შენ უკვე ათი წლის იქნები. ალბათ წერა-კითხვა იცი, არა?

კიოზას ესიამოვნა შექება. — მაქებენ და მაქონ, გინებას ქება სჯობიაო.

— ვიცი, ოთხი ასო ვიცი, შემდეგ ზამთარში ქალაქში წავალ და ვისწავლი, ვიმუშავებ კიდევ. მე უკვე დიდი ვარ. წლოვანების შესახებ შეცდი, ცოტა მომიმატე — მე ცხრა წლისა ვარ. ლენინთან წასვლა მეშინია; ჩვენი ბავშვები დადიან მასთან, ვაშლებს აჩუქებს ლენინი, ზოგჯერ პატარა „პუგაჩებსაც“, მაგრამ მე ვერ წავალ. როგორ წავიდე ასეთ საშიშ კაცთან?

დედამ სთქვა, რომ ის ხელმწიფეზე დიდი კაცია, რადგან იგი ყველას უყვარს. როგორ წავიდე ლენინთან, მეშინია.

მონადირე დიდხანს იცინოდა ჩუმი სიცილით, შემდეგ გადმოიღო მხარიდან თოფი, მისცა კიოზას და უთხრა:

— ისროლე!

კიოზამ დიდხანს ატრიალა თოფი. მას, მართალია, უნახავს, როგორ ესვრიან მონადირეები თოფს იხვებს წყლის პირას, მაგრამ მაინც ვერ ახერხებდა გასროლას. მარცხენა თვალითაც დაუმიზნა, მაგრამ თოფი ხმას არ იღებდა.

მონადირემ კმაყოფილებით დაიკრა მუხლებზე ხელები და უკან წაიღო თოფი.

— ცუდი მონადირეები ვართ ჩვენ, კიოზა. მე ვაზნები შინ დამრჩა და თოფი ცალიერია.

კიოზამ მძიმედ ამოიოხრა.

— მაშ, ვერც თქვენ მოახერხებთ გასროლას, არა?

ეეე! ცუდი მონადირე ყოფილხართ! რა არის უვაზნო თოფი, ეს ხომ ჯოხია. იცით, რა გითხრათ, ძია, ხვალ აქ მოდით, თან ვაზნები, მოიტანეთ, აი, მაშინ კარგად ვისროლოთ.

— კარგი, მოვალ, — უბასუხა მონადირემ.

— მხოლოდ დილით. შემთხვევით დავგავიანე, თორემ მუდამ დილით ვსვრიანო.



ოქტომბრის დღეებში.

დასცილდნენ ერთმანეთს. კიოშა გარბოდა ჩქარი ნაბიჯით შინისკენ.

ლამდებოდა. აღმოსავლეთიდან ბნელმა ღრუბლებმა დაფარა ლურჯი ცა.

II

კიოშას დედა ნამცხვრებს ამზადებდა. კიოშას მოთმინება დაეკარგა და ვეღარ უცდიდა გამოცხობას.

— დედა, მალე გამოცხვება ნამცხვარი?

— რას შემომიჩნდი. აი ახლავე. მოვრჩებით და თხები გავრეკოთ გასაყიდად.

კიოშას ჯავრი მოსდის. შეიძლება დაავიანდეს, მონადირე არ დაუცდის და წავა, მონადირესთან ყოფნა-კი ყველაფერს ურჩევნია. მის ახლოს ისე თბილა, როგორც ზამთარში ღუმელთან. თვალებით აელერსება და ტკბილად ელაპარაკება, დედა კი უჯავრდება.

— ეხ, დედა, მოთმინება მეკარგება, ჩაის დალევის დროც არ მაქვს... მეჩქარება. აი იქ, ტყეში, მონადირე მიცდის...

დედა მიაშტერდა კიოშას.  
— ვინ არის ის მონადირე?

— აი ის, ტყეში ცხოვრობს. შენ ვერ იცნობ მას, ჩვენ ორივენი თოფს ვისვრით. თოფი მას აქვს. იმან დიდ სახლში მიმიწვია ლენინთან, მეც ავდგები და წავალ. ვეტყვი ლენინს, როგორი დელეგატი ხარ, არაფერს არ აკეთებ.

დედამ მიატოვა საქმე, გაისუფთავა ხელები, ჩაიკრა გულში და დიდხანს, იცინა.

— ხედავ კიოშას! ლენინთან მიდის საჩიველად, რომ დედამ ნამცხვარი არ დაუმზადა თავის დროზე. რაღა

ექნა, ძალიან, ძალიან მეშინია!  
ნამცხვარი გამოცხვა. კიოშას უყვარს ნამცხვარი კომბოსტოთი და ნაღებით. დედა ნაღებისთვის ჩავიდა სარდაფში, კიოშამ თავისი წილი ნამცხვარიდან მოსჭრა ნაჭერი და შეახვია „გაზეთში“.

მოვიდა დედა, მაგიდაზე დადგა დიდი ჯამით ნაღები და ჩაილაპარაკა:

— საინტერესოა, ნეტავ ვიცოდე. ვინ სჭამს ამ ნაღებს სარდაფში?

კიოშა დაიბნა, არ იცოდა, რა ეპასუხნა, მაგრამ მალე მოიფიქრა და უთხრა:

— ვირთაგვები...  
— მე შენ მოგცემ ვირთაგვებს! ნუ ძვრები ჭუჭყიანი თითებით ქოთანში.

— სიმართლეს ვამბობ, დედა, ვირთაგვები...  
— ნუ სტყუი! როგორ თუ ვირთაგვები? ვირთაგვა

ახდის ქოთანს თავსახურავს, შესჭამს და ისევ დაახურავს? კიოშა დაიბნა, საჩქაროდ ჩაიღვა უბეში ნამცხვარის ნაჭერი და გაიქცა ტყისაკენ.

გზაზე სულ ამას ფიქრობდა „მივუსწრებ მონადირეს თუ ვერ მივუსწრებ?“

ნაცნობი ბილიკებით მირბოდა კიოშა, შარშანდელ დამპალ ფოთლებში შრევდა ფეხებს და აფრთხობდა ფრინველებს. დაიქანცა, როდესაც მივიდა მინდორზე, დავარდა ბალახზე და დაიწყო მძიმედ სუნთქვა ნესტოებით.

— ამბობენ ბიჭები, ჯანმრთელობას შევლის, ხუთჯერ ამოისუნთქავ და დალილობა უცებ გაქრებაო.

ყოველი წუთი საუკუნედ ეჩვენებოდა კიოშას, ლოდინით დაიღალა. აგერ ხეზე შემოჯდა გუგული. კიოშას არც კი შეუმჩნევია ის, არ სცალოდა. სხვა დრო რომ ყოფილიყო,

აუცილებლად შეეკითხებოდა, რამდენი წელი დარჩა მას კიდევ ამ ქვეყნად სიცოცხლე. ამბობენ, რამდენჯერაც დაიძახებს „გუგუ“-ს, იმდენ წელს იცხოვრებს კაცია.

გორც იყო, მოესმა კიოშას ფეხის ხმა ძალიან შორიდან. კიოშა სწრაფად წამოხტა და მიეგება.

— გამარჯობა, ძია!

— აა, კიოშა, გამარჯობა, გამარჯობა. მე ვიფიქრე, რომ არ მოხვიდლოდი. სხვა, როგორაა საქმე?

კიოშამ იმ წამსვე, ჩაიყო ხელი უბეში, ამოიღო ვახეთში შეხვეული ნამცხვარი და მიაწოდა.

— აბა, მიირთვი. დედაჩემმა გამოაცხო, ძალიან კარგი ნამცხვარი და დაუწყო მადიანად ჭამა.

— ეს ჩვენი მეგობრობის განსამტკიცებელია, არა? — შეეკითხა მონადირე.

კიოშა სულ მხრებზე შეჰყურებდა მონადირეს, იქნება თოფი დავინახო, მაგრამ როდესაც ველარ დაინახა, მოიწყინა და ჩაფიქრდა.

— მეგობრობის!.. რატომ თოფი არ მოიტანე?..

— როგორ არ მოვიტანე, მაქვს. აი წაიღე.

კიოშამ თავისუფლად ამოისუნთქა.

— აი, თოფიც ამასა ჰქვიან, პატარა და ლამაზი. სწორედ საჩემოა.

მონადირემ ამოიღო ჯიბიდან ვაზნები და მისცა კიოშას.

— ეს მონტეკრისტოა, შენტვის მიჩუქებია, შენ ჩემი ძვირფასი მეგობარი ხარ, კიოშა.

კიოშას ხელში ეჭირა თოფი. სიხარულით ალტაცებულმა აღარ იცოდა რა ეთქვა, ზედმეტი სიხარულისაგან სუნთქვა შეეკრა.

— დიდი მადლობელი, დიდი მადლობელი!..

მონადირემ გაუღიმა.

— ხომ კარგი საჩუქარია? ეს შენ ლენინმა გაჩუქა, მე მასთან ვცხოვრობ. გთხოვა მიხვიდე მასთან.

კიოშა და მონადირე დასხდნენ იქვე ბალახზე და დაუწყეს თოფს სინჯვა. უბრალოდ ეწყობოდა გვერდიდან ვაზნები და ისროდა. ხმა დიდი ჰქონდა, მაგრამ ტყვია ღრმად ვერ სჭრიდა და გარედან მიეკვროდა ფიცარს.

ტყეს აყრუებდა სროლის ხმა. ისროდნენ რიგ-რიგობით, ხან მონადირე და ხან კიოშა. აირჩიეს ერთი წაქცეული მუხა და მას ესროდნენ. თუ კიოშა ესროდა, მონადირე მიირბენდა ხესთან, დაათვალიერებდა და შეატყობინებდა, მოხვდა თუ არა. და თუ მონადირე ესროდა, კიოშა გარბოდა ხესთან. მეგობარი კარვად ისროდა მიზანში, მაგრამ კიოშა კი ცუდად: არ იყო გამოცდილი სროლაში და თანაც ეშინოდა.

გამომიზნების დროს მარცხენა თვალს ხუჭავდა და როდესაც ჩახმახს გამოუშლიდა, მერე შიშით ორივე თვალს დახუჭავდა.

დიდხანს ივარჯიშეს მეგობრებმა. შემდეგ მონადირემ იგრძნო დაღლილობა და გაუწოდა ხელი კიოშას.

— აბა, მეგობარო, თუ გინდა წამოდი სადილად ლენინთან, გვიანია და მელოდებიან.

კიოშას ხელი ჩამოართვა.

— ა — რ — ა... შემდეგისათვის. მეც შინ წავალ. ხვალ მოვალ ლენინთან. შენ ხომ იქნები მასთან?

— აუცილებლად ვიქნები.

— აბა, იცოდე, რომ მოვალ...

კიოშამ გააყოლა თვალი საშვალო ტანის მონადირეს ფართო ბეჭებს, მიიკრა მკერდზე ძვირფასი საჩუქარი და გასწია შინისკენ.

ვის აჩუქა ლენინმა თოფი? მხოლოდ მე! მაგრამ ვაი თუ წამართვას დედაჩემმა. მან ხომ მითხრა, პატარა ბავშვმა არ უნდა ატაროს „პუგაჩიო“ და მე კი დიდი თოფი მაქვს.

### III

მოულოდნელად ესტუმრა კიოშას დეიდა, სთხოვა დას, რომ დროებით გაეგზავნა მის სახლში კიოშა პატარა ბავშვების მოსავლელად. დეიდას მინდორზე სამუშევარი ჰქონდა, იქ უნდა წასულიყო და ბავშვების უპატრონოდ მიტოვება არ შეიძლებოდა.

გზავნის დედა კიოშას დის სახლში, კიოშას კი ხვალ ლენინთან უნდა წასვლა. უკვე სიტყვა მისცა მონადირეს. მონადირეც ხომ გადასცემდა ლენინს — კიოშა გესტუმრებო.

ბევრი ეხვეწა კიოშა დედას გაეშვა ლენინთან, მაგრამ ვერას გახდა.

ბოლოს უთხრა დედამ:

— წასვლა შეიძლება, მხოლოდ ასე საჩქაროდ არა. ის ავადმყოფი კაცია. თქვენ მას თავი მოაბეზრეთ წანწალით.

— სტყუი, დედა. მას უყვარს ბავშვები, შენც ხომ მითხარი და სხვებიც ამბობენ. მე უსათუოდ უნდა ვისადილო ლენინთან.

კიოშამ გადასწყვიტა დემტკიცებია თავისი სიტყვები, ჩავიდა სარდაფში, ამოიტანა გადამალული თოფი, ლენინის ნაჩუქარი, და უთხრა დედას:

— ხედავ, ეს ლენინმა მაჩუქა...

დედა გაჩერდა. ქოხში სამარისებური სიჩუმე ჩამოვარდა. მხოლოდ ლუმელის უკან ერთი ჭრიჭინა მღეროდა თავის სიმღერას.

— როდის იყავი მასთან, ა? მერე ასეთი გამურული მიდი? დაუვარცხნელი და პირდაუბანელი?

— ეს მომცა მონადირემ. ის ლენინის ამხანაგია, მასთან ცხოვრობს და ჩემი მეგობარია. მან თვითონ მითხრა, შენ ჩემი მეგობარი ხარო.

დედა დიდხანს იფშენეტდა ხელებს, ოხრავდა, მაგრამ ბოლოს დაწყნარდა, აიღო თოფი და დაუწყო სინჯვა.

— ძვირფასი საჩუქარია. აი რას გეტყვი, კიოშა: ეგ თოფი დაჰკიდე ლენინის სურათთან, მისი სახსოვარია და გააფუჭებ თრევით.

კიოშამ აიღო თოფი და მართლა ჩამოჰკიდა ლენინის სურათთან და თან ცქერა დაუწყო

— იფ, რა ლამაზია. როგორ ამშვენებს ლენინს!


დაიძინა ყოველმხრივ ბედნიერმა კიოშამ. როდესაც გათენდა, გააღვიძა დედა. კიოშა ძალიან მხიარულ გუნებაზე იყო დილის ცივ ნიაზევ გასწია რკინის გზით დეიდას სახლისაკენ.

დეიდა ცხოვრობდა სოფელ სიანოვკაში. როდესაც ჩაუარა ახლოს დიდ სახლს, სადაც ცხოვრობდა ლენინი, კიოშამ დაუქნია ორივე ხელი და მხიარულად შესძახა: — შევხვდებით!.. კიდევ ვნახავთ ერთმანეთს!..

სოფელ სიანოვკამდე არ იყო დიდი მანძილი. კიოშა მივიდა საუზმის დროს, როდესაც მაგიდაზე იდგა დიდი ჯამით საკმელი და გარს შემოსხლომოდენ.

დეიდას ძალიან გაეხარა კიოშას მისვლა.

— გმადლობთ, გმადლობთ, ჩემი ბავშვების მომვლელი, რომ მოხვედი!



კიოზა დარჩა დეიდასთან არა ერთი დღე, არამედ დიდხანს და უვლიდა პატარა ბავშვებს.

სამი კვირის შემდეგ დეიდამ წამოიყვანა დედასთან კიოზა. როდესაც კიოზამ ჩაუარა დიდ სახლს, მოთმინება დაეკარგა და სწრაფად მივარდა ჭიშკართან.

— სად მიდიხარ? — შეეკითხა დეიდა.

— ლენინთან... მე დიდი ხანია მინდა მასთან მისვლა ..

დეიდა შეჩერდა, კიოზამ კი გაბედულად დააკაუნა პატარა ჭიშკარზე. გამოვიდა კაცი.

— ვინ გნებავთ?

— ლენინი, ლენინთან მინდა, ძია... თქვენ გამოუძახეთ მონადირეს, თოფით რომ ცხოვრობს ლენინთან. ის მიცნობს, ჩემი მეგობარია და თვითონ წამიყვანს...

— აქ არავინ არ არის, სუყველანი მოსკოვში არიან. ლენინიც გამოჯანმრთელდა და მოსკოვში წავიდა სამუშაოდ.

კიოზას ტანში ცივად გააჭრკოლა, გული აუტირდა, თვალები აემღვრა და ცრემლებით აევსო. დაღონებული წავიდა, გზაში ხმას არ იღებდა. მივიდა შინ, ქოხში არ შეშიდა, ეზოში გავიდა, შევიდა თივის საწყობში, ავიდა თივაზე და დაიწყო ხმამალა ქვითინი.

ზამთარიც მოვიდა, მაგრამ კიოზამ მაინც ვერ ნახა ლენინი. ზამთარში დეიდამ მოსკოვში წაიყვანა კიოზა. დედა ტრამვაიზე მუშაობდა.

კიოზამ დაიწყო სიარული სკოლაში. თოფი თან წაიღო ქალაქში და ლენინის სურათთან დაკიდა.

ოთახში შესული სტუმრები დიდი ყურადღებით ათვალიერებდნენ თოფს, მაგრამ ხელის ხლების ნებას არ აძლევდა არავის კიოზა.

ზამთარი გავიდა. კიოზამ ბეჭრი რამ გაიგო; კითხვა შეეძლო და ცოტა წერაც იცოდა.

კიოზამ გაიგო, რომ ლენინი ცხოვრობს კრემლში, დაიწყო ხშირად სიარული კრემლის დიდ ჭიშკართან, მაგრამ შიგ შესვლა შეუძლებელი იყო, ჯარისკაცები იდგნენ და უნებართვოდ არავის უშვებდნენ.

როდესაც მოაწია კარტოფილის და პურის დასათესად სოფელში წასვლის დრომ, კიოზა არ გაჰყვა დედას, დარჩა ქალაქში და მიებარა მოწაფედ შორეულ ნათესავ ზეინკალს. ზეინკალმა წაიყვანა კიოზა თავის ბინაზე და თან თოფიც წაიღო. როდესაც გაიგო ზეინკალმა, რომ თოფი ლენინის ნაჩუქარი იყო, ძალიან ესიამოვნა და ჩამოჰკიდა წინა ოთახში ლენინის სურათთან.

კიოზა ხშირად იგონებდა თავის მეგობარს, რომელიც ორჯერ ნახა, დაღონებული იდგა დაზვასთან და ატრიალებდა ხელში ქანჩებს. ზამთარში დედასთან ერთად კიოზა სოფელში გაემგზავრა. დიდი ძველის-ძველი სახლი მოწყენილი გამოიყურებოდა თავისი ძველი ფანჯრებით. კიოზამ იცოდა, რომ ლენინი მძიმე ავად იყო; ამის შესახებ სწერდნენ გაზეთებში.

შეჰყურებდა დაღონებული კიოზა სქელ კედლებს, ცდილობდა კედლის განგრევას, სურდა დაენახა ლენინი, მაგრამ განა შესაძლებელია სქელ კედელში ვინმეს დანახვა? რა თქმა უნდა, არა.

ჩაფიქრებული დადიოდა კიოზა. მას არ აინტერესებდა ბავშვებში თამაში და ცივით თოვლზე ცურვის ოცნებაც სადღაც შორს გაქრა.

დადიოდა კიოზა თოვლით დაფარულ მინდორზე, მაგრამ ვერ სცნობდა, ზამთრის ტანსაცმელში გახვეული მინდორი სოფლის სასაფლაოს ჰგავდა. კიოზამ მაშინ იცნო მინდორი, როდესაც იპოვნა ის მუხა, რომელსაც ის და მისი მეგობარი ესროდნენ თოფს მიზანში.

მის აღტაცებას საზღვარი არ ჰქონდა, ცოცხლად დაუდგა თვალწინ ის დიდებული და საყვარელი კაცი, რომელმაც გააცნო შორიდან კიოზას ლენინი და ლენინმა თოფი აჩუქა.

მეორე კვირა იღვრდა. კიოზას მოთმინება დაეკარგა, სული მიუღიოდა, დედა როდის გაათავებდა თავის საქმეს და წაიყვანდა ქალაქში, სადაც კიოზას ელოდებოდა სკოლა და სკოლის ამხანაგები. მძიმე იყო კიოზასთვის სოფლად ცხოვრება იმ აზრით, რომ ის ვერ ნახავდა იმ დიდ ლამაზ სახლს, სადაც ცხოვრობდა ლენინი.

ეძინა კიოზას. ის გამოალევიდა ტირილის საშინელმა ხმამ. გადაიხედა ღუმელიდან და დაინახა მაგიდაზე თავდაყრდნობილი დედა, რომელიც ხმამალა ტირილით. თავის დღეში არ ენახა კიოზას მტირალი დედა. წითელი თავსაფარი ვადასძრობოდა და ქალარა თმა გამოსჩენოდა.

კიოზა ჩამოვიდა ღუმელთან.

— დედა, რატომ ტირი ასე მწარედ?!

დედამ ასწია თავი მაღლა, მოხვია ხელები შვილს, მიიკრა მკერდზე და უპასუხა ტირილით:

— დიდი უბედურებაა, შვილო, ჩვენს თავზე. ობლად დავრჩით, დიდ სახლში ლენინი მოკვდა.

კიოზას არ სჯეროდა. არც უნდოდა დაეჯერებია ლენინის სიკვდილი...

ქალაქის ხალხი მძიმედ მიდიოდა გაყინულ ქუჩებში, დიდი სახლისაკენ, სადაც ცხოვრობდა ლენინი.

კიოზა თავისი დედით შეუერთდა ქალთა ჯგუფს და გაჰყვენ დიდი სახლისკენ. ხალხი შევიდა დიდ სახლში, შენობა ვერ იტევდა მათ. ყოველი მხრიდან მოდიოდა აუარებელი ხალხი. ყველას სახეზე ამოიკითხავდით საშინელ მოწყენას და განუწყვეტელ მწუხარებას.

კიოზა დასცილდა დედას, მივიდა ერთ კაცთან და წყნარად შეეკითხა:

— მითხარი, ძია, სად არის აქ მონადირე? ის ჩემი მეგობარია.

კაცმა ყურადღებით დაუწყო ცქერა, მაგრამ პასუხი ვერ მისცა: მან არ იცოდა, ვინ იყო ასეთი კაცი.

ავიდა კიოზა მაღლა. იქ ყველანი ტიროდნენ, მაგიდაზე ესვენა კაცი, თვალების უბეებში გაყინულიყო განუზომელი სიკეთე.

კიოზამ წაიწია წინ, შეხედა მიცვალებულს სახეზე, დაბარბაცდა, დავარდა იატაკზე და ძლივს ამოიღულულა:

— ის არის... ის მონადირე... მეგობარი...

**ტ. მეშჩერიაკოვი**

**თარგმანი ვარდენ სალუქვაძის.**

# მ ო ხ უ წ ი გ ო ლ შ ე ვ ი კ ი ს ს ა უ გ ა რ ი

ძირს რომ დაგვეხო მუქთახორები,  
 მისთვის ვიბრძოდით თავგანწირულად,  
 და მშრომელ ხალხის საკეთილდღეოდ  
 ბევრი კვდებოდა მტრისგან გმირულად.  
 თავისუფლების მოსაპოვებლად  
 პირად სიცოცხლეს ვეთხოვებოდით,  
 ვსტოვებდით ცოლ-შვილს, სახლ-კარს, ნაცნობებს,  
 მემობილებს ვუერთდებოდით...  
 ხშირად ბრძოლის დროს ბარიკადებზე  
 მტრები გვიპყრობდნენ აჯანყებულებს,  
 „უანდარმერია“ ველური ცემით  
 შორს ციმბირამდე მიგვაცილებდა!  
 და იქ, ნესტიან საპყრობილეში,  
 მზის დანახვაც კი გვენატრებოდა!..  
 შიგნით სიმშლილი, ტანჯვა უზომო,  
 გარეთ სიკვდილი გველოდებოდა!..  
 ციხე, ბორკილი, ცემა, დაღრჩობა,—  
 ჩვენს თავზე რას არ გადაუვლია,  
 მაგრამ ვიბრძოდით ისევ სიმტკიცით,  
 არ შეგვიცვლია რწმენა სრულიად...  
 დღეს კი თქვენ, ჩემო პატარებო,  
 რომ დახვალთ წითელ ყელსახვევებით.

ეს მშენებლობა, თავისუფლება  
 იმ დიდ ბრძოლების შედეგი არის.  
 თქვენ კი დღეიდან, ახალგაზრდობავ,  
 ჩვენგან გახსოვდეს ეს მაგალითი,  
 თუ ჩვენ როგორი ურყევი რწმენით  
 ვიბრძოდით ხალხთა საკეთილდღეოდ.  
 თან წინ დაუდგენ მოხუც ბოლშევიკს  
 თავის შვილები—პიონერები,  
 ალერსიანად ყველამ ხელებით  
 ჩამოუვარცხნა თეთრი წვერები.  
 ეფიცებიან:—ძვირფასო მამა!  
 ჩვენც მშრომელთათვის თქვენებრ ვიზრუნებთ,  
 წითელ დროშის ქვეშ დარაზმულები  
 მოხუც სამყაროს ამოვებრუნებთ.  
 ყველა ვეცდებით საერთო ძალით,  
 რომ შევასრულოთ მოვალეობა,  
 შრომის დროს შრომა, ბრძოლის დროს ბრძოლა,  
 და ვერ შეგვიპყრობს სულმოკლეობა.  
 ლენინის გეზით ვივლით ბოლომდე  
 ჩვენც, კამოსავით რწმენაურყევი,  
 თუ დრო მოითხოვს,—აფრიალდება  
 ბრძოლის დროს დროშად ეს ყელსახვევი!..

ზ. დოლიაშვილი

## აღმუანებლობის თორმეტი წელიწადი.

თორმეტი წელიწადი...  
 ეს დრო არ არის ძალიან დიდი... მაგრამ იგი ბევრს  
 ლაპარაკობს მუშათა კლასის ყოფა-ცხოვრების გაუმჯობე-  
 სების და სოციალიზმის მშენებლობის საქმეში.

აღნიშნული დრო — ეს არის ბრძოლების და ნაყო-  
 ფიერი აღმშენებლობის ხანა. ეს ხანა იმდენად მნიშვნელო-  
 ვანია და შინაარსით მდიდარი, რომ ადამიანი განცვიფ-  
 რებული შეხედავს იმ მიღწევებს, თორმეტი წლის განმავ-  
 ლობაში რომ გვაქვს და ჩვენს  
 უდიდესი სიჩქარით წინსვლას,  
 რადგან მისვლა იმ მიღწევებამდე,  
 რაც გვაქვს, სხვა დროს და სხვა  
 პირობებში შეუძლებოდა არა  
 წელიწადთა, არამედ საუკუნეთა  
 განმავლობაში. მაგრამ მშრო-  
 მელი ხალხის მტკიცე ნებისყო-  
 ფამ, უსაზღვრო სურვილმა უტყ-  
 უარ ფაქტად მოგვცა ის ამბავი,  
 რომ ოქტომბრის რევოლუციის  
 შემდეგ მივალწიეთ უდიდეს სა-  
 ქმეებს.



საბჭოთა კავშირი უდიდესი  
 ამოცანების წინაშეა: ჩვენი ქვეყ-  
 ნის ინდუსტრიალური განვითარ-  
 რება, სოფლის მეურნეობის გარ-  
 დაქმნა სოციალისტურ საფუძე-  
 ლებზე, კულტურული რევოლუ-  
 ციის პრაქტიკული განხორციე-  
 ლება და სხვ.  
 თორმეტი წლის განმავლო-  
 ბაში საბჭოთა კავშირის მუ-  
 შათა კლასი და მისივე ხელ-  
 მძღვანელობით მშრომელი გლე-  
 ხობა შეუჩერებლად, თავდადე-

ოქტომბრის დღეებში. ტყვიამურქვეველთა რაზმი.



ოქტომბრის დღეებში

ბულად და ენერჯის დაუზოგავად აშენებს და ძველი ცხოვრების ნანგრევებზე ჰქმნის სრულიად ახალ და უკეთეს საზოგადოებას. ეს აღმშენებლობა, რომელიც თორმეტი წლის განმავლობაში სწარმოებდა, გვაძლევს საბაბს ვთქვათ, რომ ჩვენი მუშათა კლასი, მშრომელი გლეხობა, კვლავ შეებრძოლება მომავალ სიძნელეებსაც და ამით შესძლებს დიდი ამოცანების შესრულებას.

ოქტომბრის რევოლუციამ სულ ახალი შინაარსი მისცა მუშათა კლასის ცხოვრებას, მან შესძლო მშრომელთა ეკონომიური ურთიერთობის რთული ხლართების გეგმიან ურთიერთობაში ჩამოყალიბება, რვა საათის განმტკიცება, ხოლო მას შემდეგ, პირველად მსოფლიოში, მუშებისათვის 7 საათის სამუშაო დღეზე გადასვლა, ყოფა-ცხოვრების გაუმჯობესება, კულტურული წინსვლა, საბჭოთა აპარატებში მუშების დაწინაურება, მუშაფეხების, მუშათა უნივერსიტეტების დაარსება და სხვა მრავალი.

ოქტომბრის რევოლუციამ შესძლო მუშების და მშრომელი გლეხობის კავშირის განმტკიცება სოციალისტური აღმშენებლობის წარმატებით წასაყვანად, მშრომელი გლეხობის ეკონომიური მდგომარეობის გაუმჯობესობა, სესხების მიცემა, დახმარება ღარიბ გლეხობას, შეღავათების მიცემა საშუალო გლეხობისთვის, კოოპერაციაში გასართიანებელი ფონდების გაღება და სხვა მრავალი, რაც ლაპარაკობს იმას, რომ ოქტომბრის რევოლუციის შემდეგ შეიქნა შესაძლებელი გლეხი გამოსულიყო სინათლეზე.

ოქტომბრის რევოლუციამ მტკიცე საფუძველი ჩაუყარა მრავალი ეროვნების ძმურ კავშირს, მათ შორის სოლიდარობას; მრავალი ერის არა ძმური დამოკიდებულება მეფის მთავრობის მიერ იყო შექმნილი, რაც თებერვლის რევოლუციამაც ვერ მოსპო. ავიღოთ საქართველოს, ა/კ. მდგომარეობა. ყველამ იცის, რომ წინათ განუწყვეტელი


ებრძოდნ სომხები ქართველებს, ქართველები — სომხებს, ოსებს, აჭარლებს, აზერბეიჯანი — სომხებს, და ამ ერთა შორის არასოდეს არ იყო მშვიდობიანი განწყობილება. მაგრამ დღეს ეს ერები, გაერთიანებულნი ძმურ კავშირში, შეერთებული ძალ-ღონით იბრძვიან სოციალიზმისათვის. ასეთ მდგომარეობას ჩვენ მივალწიეთ მხოლოდ და მხოლოდ ოქტომბრის რევოლუციის წყალობით.

ამავე რევოლუციამ შედეგად მოგვცა ქალთა განთავისუფლება მამაკაცის მონობისაგან. ოქტომბრამდე ქალი კერძო საკუთრებას წარმოადგენდა და მას მოქალაქის უფლებები არ ჰქონდა მოპოებული, საზოგადოებრივ საქმეებში ქალი არ ჩანდა; ახლა, რევოლუციის შემდეგ, ქალი გამოვიდა ასეთი კარჩაკეტილი მდგომარეობიდან და იგი ისეთივე უფლებებით სარგებლობს, როგორც მამაკაცი: ირჩევენ საბჭოებში, სახელმწიფო აპარატში და სხვა საზოგადოებრივ საქმეებში.

ოქტომბრის რევოლუციამ მშრომელი ხალხისთვის ფართოდ გააღო სასწავლებლების კარი. თუ წინათ სკოლები, უმაღლესი სასწავლებლები შეძლებულთათვის იყო, ახლა მშრომელთათვისაა. აუარებელი სკოლა, უნივერსიტეტები ამზადებს მშრომელთა წრიდან გამოსულ ახალგაზრდებს.

ახალგაზრდობა, რომელიც წინათ საშინელ ეკონომიურ მდგომარეობაში იმყოფებოდა, ახლა უკეთეს პირობებშია: აქვს განსახლგრული სამუშაო დრო, ხელფასი, შრომის პირობები და სხვა, რაც თანდათან უმჯობესდება.

ოქტომბრის რევოლუციამ დიდი ცვლილება შეიტანა ბავშთა ცხოვრებაშიც; თუ ბავში წინათ ვერ იზრდებოდა საზოგადოებისათვის, ახლა ეს მდგომარეობა გაუმჯობესდა. რევოლუციამ ძირითადი გარდატეხა მოახდინა ბავშთა ცხოვრებაშიც. ისინი თავის მშობლებთან და ძმებთან ერთად აშენებენ კომუნისტურ საზოგადოებას, იბრძვიან



ახალი ცხოვრებისათვის და იზრდებიან აქტიურ მშენებლებად. კომკავშირის მიერ ჩამოყალიბებულმა პიონერთა ორგანიზაციამ გაათავისუფლა ბავშვები ბურჟუაზიულ-სკაუტური ორგანიზაციების გავლენისაგან და მათი აღზრდა ჩვენი პარტიის ამოცანებს დაუკავშირა.

ახლა გადავდივართ ოქტომბრის რევოლუციის განვითარების ახალ და ძნელ საფეხურზე. ეს არის მეურნეობის რეკონსტრუქციის პერიოდი, რომელიც გადახლართულია მთელ რიგ სამეურნეო სიძნელეებთან, რომელიც მოითხოვს მეტ ენერჯიას, მეტ სიმტკიცეს და შემოქმედებითი ძალების გაერთიანებას. ამიტომ გავედული ბრძოლა სიძნელეების წინააღმდეგ, ბრძოლა საკუთარ ნაკლთა გამოსასწორებლად, ბრძოლა წერა-კითხვის უცოდინარობასთან, ბრძოლა მტრებთან, ჩვენს მოღალატეებთან, სოციალისტური აღმშენებლობის წარმატებისთვის — ეს უარის თავდები, რომ ჩვენ გავიმარჯვებთ, რომ ჩვენ ავაშენებთ სოციალიზმს და მკვიდრ საფუძველს ჩვეუყრით მსოფლიო ოქტომბერს, რომლისთვისაც იბრძვიან მთელი ქვეყნის პიონერთა მამები, ძმები და მეგობრები.

ა. კოჩლავაშვილი.

## რ კ ი ნ ი ს გ ზ ა ზ ე.

(ეპიზოდური სამოქალაქო ომიდან. გადმოკეთებულია რუსულიდან).

### მოკმედი:

ანდრო — მეისრე.

მაშო — ცოლი.

სიმა — შვილი, 12 წ.

უცნობი — მდიდარი.

იუნკერი — ამისი შვილი.

მატარებლის უფროსი.

მუშა — წითელგვარდიელი.

სცენა: ჯიხური (ბუდკა) ოთახი. სიმა მოუსვენრადაა, მიდი-მოდის, ხშირად იყურება ფანჯარაში. პაუზა. ისმის ორთქლმავლის შორი კვილი. ყურს უგდებს. უხარია. კარზე კაკუნია.

**მაშო.** ჩქარა, შვილო, გაალე კარი.

**სიმა.** შენა ხარ, დედა? (უღბს. შემოდის)

**მაშო.** სიმა, მამა ჯერ კიდევ არ დაბრუნებულა? (რალაცას ექებს)

**სიმა.** არა, არ არის. დედიკო, რათ ლელავ?

**მაშო.** მაშ სად დაიკარგა აქამდე? ვინ იცის, კიდევ სადმე კრებაზეა.

**სიმა.** რას ეძებ?

**მაშო.** რასა და ბაირალს. მალე მონახე. ვილაცას აქვე მოსახვევში ლიანდაგი აუყრია. საცაა ჩქარი მატარებელი გამოივლის პიტერიდან და ნიშანი უნდა მივცე, რომ შეაჩერონ, თორემ გადავარდება, დაიშხვრევა, და შიგ კი ისეთი მდიდარი ხალხი ზის... ჩქარა, რას უდგებარ გაშეშებულებით და აბრიალებ თვალებს? ო, რალა ექნა ახლა, სად დაიკარგა? მერე და რაიმე მარცხი რომ მოხდეს, მაშინ ხომ მამაშენს გამოავადებენ სამსახურიდან, დაიჭერენ და დახვრეტენ!...

**სიმა.** დედა!.. ნუ ჯავრობ... ის მატარებელი დეე დაილუპოს და შიგ მჯდომი ხალხიც ჭირს წაუღია... ეგენი არ იყენენ, რომ ჩვენი კოლია, ჩემი ძმა, ოში გავზავნეს და მოჰკლეს? ეგენი ხომ ბურჟუები არიან, მუშახალხის მტრები! რათ გენანება? აბა, ყური დაუგდე ხოლმე, რას ლაპარაკობენ მავათ შესახებ მამა და ძია პეტრე... მეფე ჩამოვადეთ და ახლა ეგენი წამოგვასხდენ კისერზეო... ჩვენ ისევ ძველებურადა ვართ გაჭირვებაში და თავისუფლება მხოლოდ სიტყვააო.

**მაშო.** ნუ სულელობ... სწორედ მამაშენი და ის პეტრე გრევენ შენა... მოძებნე ჩქარა.

**სიმა.** არ მოძებნი... უნდა დაილუპონ (ისმის მოახლოვებული ორთქლმავლის კვილი და გუჟინი)


**მაშო.** ვაიმე! მალე! უკვე ახლოვდება! აი!.. (იპოვნის ბაირალს, გარეთ მიეშურება, მაგრამ კარებში სიმა აეუდება, არ უშვებს) გამიშვი.

**სიმა.** დედა, არ გაგიშვებ!..

**მაშო.** გამიშვი, თორემ ვიყვირებ!

**სიმა.** რამდენიც გინდა, დედა, იყვირე, მაინც არ გაგიშვებ!.. (მატარებლის გუჟინი უფრო ახლოვდება. მაშო ძაღობს გასვლას, სიმა არ უშვებს. კაბაზე ჩამოეკონწიალება, კისერზე ხელებს ჰხვევს, ყოველმხრივ ცდილობს ხელის შეშლას).





**მაშო.** ვაიმე! დავიღუპეთ!.. რას მიშვრება ეს მოუსვენარი!.. (გაუსხლტდება, მაგრამ გვიანდაა. მატარებელი ჩაუქროლებს ჯიხურს, ეს თემებში ხელს იტაცებს). აგერ, უკვე მიაღდა იმ ადგილს... ახლა საცაა გადაეარდება, დაიმსხვრევა! აჰა, მოსახვევში!.. აჰ!.. (შეჭკვილებს და ძირს ეცემა. ისმის ორთქლმავლის კვილი, ხმაური; გახედავს) შესდგა?! მემანქანემ შეამჩნია, ალბათ, საბედნიეროდ... ხალხი გადმოდის... (სიმა უკმაყოფილოდ დგას).

**სიმა.** მაშ გადარჩენ?! (ისმის წივილი, მატარებლის უფროსის ყვირილი; გამოჩნდება. შემოდის).

**უფროსი.** სად არის მემისრე?

**მაშო.** (შიშით) არ ვიცი, ბატონო უფროსო.

**უფროსი.** რაო?! როგორ თუ არ იცი?! ა? ახლავე აქ მომგვარეთ. როგორი მემისრეა, რომ თავის ადგილზე არაა ამ დროს? ამბობება? მე თქვენ გიჩვენებთ!!! ახლავე მიპოვეთ, თქვე არამზადებო, თორემ ყველას დაგხვრეტთ! შენა, ე, თხუნელავ, სადაა მამაშენი? ა? ახლავე მოძებნე და მოიყვან აქ!..

**სიმა.** (ამაყად) არც მე ვარ თხუნელა და არც ის ვიცი, თუ სად არის მამა... თუ აგრე ძალიან გინდა, წადი და შენ თვითონ მოძებნე!..

**უფროსი.** ხმა! კრინტი!.. (მუქარით მიიწევს).

**მაშო.** შეილო, სიმა, უფროსია... აბა, ეგრე როგორ შეიძლება?.. (უფროსს) აპატიეთ, ბატონო უფროსო, ბავშია და მიქარავს, არაფერი გაეგება...

**უფროსი.** გიცნობთ, რა შეილებიცა ხართ! ეტყობა, რაც ბავშია! ბოლშევიკების ბარტყი!.. გადავაქოთებ ამ არეს და მანც ვიპოვნი მემისრეს და მერე ნახავთ!!! (გარეთ ხალხს ხმაურია, შიში—მატარებლის შეჩერების გამო, უკმაყოფილება, უფროსს კითხულობენ და სხვა. ეს მთა ფანჯარასთან, გასძახებს) ბატონებო, დამშვიდდით! არაფერია!.. ნუ შფოთავთ!.. ჩვენ ისევე სადგურზე მოგვიხდება დაბრუნება. ამ წუთშივე გამოირკვევა ყველაფერი... დამშვიდდით!.. (ამათ) მე თქვენ გიჩვენებთ, თქვე... დაგხვრეტთ!.. (საჩქაროდ გადის).

**მაშო.** ბატონო უფროსო, გთხოვთ... ჩვენს ცოდვას ნუ დაიდებთ... (ხვეწით მისდევს უკან).

**სიმა.** დედა, ნუ... არაა საჭირო...

**მაშო.** იქით!.. ბატონო უფროსო... (გაჰყვება, სიმა შესდგება, დაღონდება. პაუზა. ამ დროს ფანჯარაზე მოისმის ფრთხილი კაკუნნი.)

**ანდრო.** შეილო, სიმა.

**მიმა.** ო, მამა, შენა ხარ? (მივა) არ მოხერხდა. მამა?

**ანდრო.** გადარჩენ. არაფერი გამოვიდა... პავრამ, შეილო, შენ გახსოვდეს, რომ მუშის შეილი ხარ, პატარა ბოლშევიკი და მამის შემცვლელი ამ ბრძოლაში... თუ ვინიცობაა მე... (შემოდის).

**სიმა.** ფეხის ხმა?! (ყურს უგდებს).

**ანდრო.** თუ, ვინიცობაა, მე დავიღუპო, გახსოვდეს ჩვენი მტრები...

**სიმა.** კარგი, მამა... მესმის... განა, წელან, ლიანდაგს, რომ ჰყრიდი, მე არა ვნახე, მაგრამ... აჰ, მამა, ვილაც ორნი არიან... აქეთ მოდიან...

**ანდრო.** ეჰ, დეე, მოვიდენ... (ხელს ჩაიქნევს).

**სიმა.** რას ამბობ, მამა! დაიმალე!.. ხომ იცი, არ დაგინდობენ... მერე ვუხელთებთ კიდევ დრო... დაგვაცადონ ცოტა ხანს!.. აბა, გადაძვერ ფანჯარაში... მალე... როგორი ბოლშევიკი ხარ, მამა! ისკუპე და

გადახტი... ფარდულში დაგმაღავ ისეთ ადგილას, რომ ეშმაკებმაც ვერ პოვაგონ... მერე კი ვიფიქრებთ რასმეს!..

**ანდრო** (გულაჩუყებული). ო, შეილო, შეილო!.. ჩემო პატარა გმირო... (ეხვევა. ფანჯრიდან გადმოხტება. სიმაც მისდევს. ამ დროს შემოდის უცნობი იუნკრის თანხლებით და ფრთხილად ათვალეირებს აქაურობას...)

**უცნობი.** აი, ეს კარგია... არავინაა... შენ აქ დარჩები დალამებამდე და... (ჩამოჯდება, გლეხური ქურჭი აცვია) ამ მატარებლის შეჩერებამ მთლად ჩამითუშა გემგები... (პაუზა) ახლა ვეღარ წავალ... უკან გავბრუნდები... და, ჩემო საყვარელი შეილო, შენ უნდა იკისრო ეს დავალება... შენ დღესვე უნდა გადახვიდე საზღვარზე და... (ადგება, მხრებზე ხელებს დაადებს შვილს და თვალეში უყურებს) შეილო, ხომ გიყვარს შენი სამშობლო?

**იუნკერი.** ო, მამა! მთელის ჩემის არსებით!.. (გ მოეკივება).

**უცნობი.** ყოჩაღ!.. მომწონს!.. ეგრე... ჰო და... აი, ყური დამიგდე... შენ ფრთხილად ივლი. რა ზღვას მიადგები, პირდაპირ ლონდონში გასწიე გემით... (ამ დროს ფანჯარასთან გამოჩნდება სიმა და, რა ამათ შეამნევს, უკან დაიწევს ჩუმად ყურს უგდებს...) მიდი იქ საგარეო საქმეთა სამინისტროში და რა ჩემ სახელს ახსენებ, მოითხოვე თვითონ ბატონი მინისტრის პირადი ნახვა და აი ეს ბარათი გადაეცი... დანარჩენი თვითონ იცის... (პაკეტს გადასცემს).

**იუნკერი.** მესმის!.. (უბეში ინახავს) იქიდან ყველაფერს მოგწერ, მამა... (აკოცებენ).

**უცნობი.** აი ეს ქურჭი ჩაიციე ზემოდან, რომ თვალში არავის მოხვდე, არ გიცნონ... (იხდის, აცმევს) აი ასე სჯობია... მე დაგბრუნდები, ახლა, შეილო, და აბა შენ იცი... მოგვეშველონ... ალაღვინონ აქ წესიერება, თორემ ვეღარ ავიტან ამდენ არეულობას რუსეთში... ჯერ იყო და ჩვენი საყვარელი მეფე ჩამოაგდეს, ეს სოციალისტები გამეფდენ და ახლაა კიდევ და ძალა-უფლება ბოლშევიკებმა ჩაიგდეს პიტერში... საცაა ყველგან გავრცელდება მათი ხელისუფლება... ეს ჩვენი პატარა-პატარა აჯანყებები მათ წინააღმდეგ ვერაფერს იზამს, თუ ისინი არ მოგვეშველენ... ქარხნები ჩამოგვართვეს და მუშებს გადასცეს, ეს მიწებია და გლეხებს დაურიგეს... აბა, შენ იცი... ვილაცა მოდის... შენ თავი მოიავადმყოფე და... (ამ დროს შემოდის სიმა, უკმაყოფილოდ შეხედავს, მაგრამ არ იმჩნევს, იცხალმება) ოო, რა კარგი ბიჭუნაა! ვისი ხარ? გამარჯობა; პატარავ!..

**სიმა.** გამარჯობათ, ბატონო.

**უცნობი.** მატარებელი გაგვიჩერდა და აქეთ წამოვედით... ცოტა ცივა და აქ შემოვეფარნით. ეს ჩემი მსახურიც ავად გამიხდა და... დე, ცოტა ხანს იყოს აქ, ვიდრე დაგბრუნდები...

**სიმა.** იყოს, ბატონო, აქ, ჩვენთან, თბილა... საცაა დედა და მამა მოვლენ და...


**უცნობი.** სასიამოვნოა... გმადლობთ, პატარავ... შენც ხომ ჩვენი ხარ?

**სიმა.** ვინ თქვენნი?!

**უცნობი.** (იხნევა) აი... სოციალისტი... ბოლშევიკი...

**სიმა** (ეცინება). როგორ, ბატონო, თქვენ ბოლშევიკი ხართ?..

**უცნობი.** მაშ... აბა, ნახვამდე... (ეშ იდობება. გადის. სიმა თვალს გააყოლებს დაკინვით).



**სიმა.** (იუნკერს). გაიხადეთ, ბატონო, მოისვენეთ... (უნდა უშველოს გახდა, თან რაღაცას ათვალიერებს).

**იუნკერი.** არა, პატარავ, არა... მე თვითონ... (არ ანებებს. ამ დროს პაკეტი გადმოუფრდება უბიდან, სწრაფად დასტაცებს ხელს და ინახავს ქურქის ჯიბეში).

**სიმა.** რა არის, ბატონო, ფულია შიგ?

**იუნკერი.** არა... აბა ვინ მოგვცა ჩვენ ფული... რაღაცა წერილი გამომატანა დედამ, აი აქვე, მესამე სადგურზე მსახურობს ჩემი ბიძა და იმასთან...

**სიმა.** მაშ, რაღად შეგეშინდა?

**იუნკერი.** ვისა? მე?! (ცინება. იბნევა).

**სიმა.** ჰო, შენ...

**იუნკერი.** აი თუ შემეშინდა... (ამოიღებს და მაგიდაზე სდებს. სიმა სწრაფად დასტაცებს ხელს, მაგრამ იუნკერი არ ანებებს, გაჩაღდ ბა ბრძოლა. ამასობაში იუნკერს რევოლვერი დაუვარდება, სიმას ახლა იმის აღება უნდა, ის არ ანებებს, ამ ძიძვილში მამა გამოჩნდება ფანჯარაში და ამ სურათის მნახველი შემოვარდება, მაგრამ იუნკერი სძლევს სიმას, რევოლვერს ართმევს, უმიხნებს).

**სიმა.** აა, შენ ბურჟუის შვილი ხარ? თავადის? მდიდრის? კონტრრევოლუციონერი?!

**ანდრო** (შემოსვლისთანავე ყვირის). რას სჩადით, ნუ მომიკლავთ შვილს!!! (კარიდან გასძახებს ვიღაცას) პეი, ძმაო, ვინა ხართ მანდ, გამვლელი, გვიშველეთ!.. ბავშს მიკლავენ... (ამასობაში იუნკერი ესვრის სიმას, დასჭრის, ფანჯარაში გადახტება; ამ დროს ანდრო რევოლვერს წართმევს, ესვრის, მაგრამ არ ვარდება. შემობრბის მუშა წითელგვარდიელი თოფით, ფანჯარასთან ნიარბენს).

**სიმა.** დაიჭიოთ, თეთრგვარდიელია!.. (უნდა ადგეს, მაგრამ ვერ წეგება).

**მუშა.** აა, ვერსად წახვალ, ბატონო! (ესვრის. იქიდან მოსმის მომაკვდავი იუნკერის შევიწმეობა, კნენსა..)

**ანდრო.** ჰე, მოხვდა?! (ბავშვთან მიიარბენს, უვლის).

**მუშა.** გათავდა!

**ანდრო.** ო, საყვარელო შვილო, სიმა... დაგჭრა?!

**სიმა.** (ღიმილით) რა უშავს... ალბათ ასე უნდოდა... აი, მამა, თუ იქ, მატარებელზე, არაფერი გამოვიდა, სამაგიეროდ აქ კი... გამოვიდა რაღაცა... (პაკეტს აძლევს... მუნჯი სცენა. ქრილობას უხევენ).

### თ ე თ რ ი ხ ა რ ბ ი ნ ი

როგორც ჩვენმა მკითხველებმა იციან, ამჟამად საბჭოთა კავშირსა და ჩინეთს შორის უთანხმოება ჩამოვარდნილი.

კონტრრევოლუციონური გენერლების მიერ ყაჩაღური თავდასხმა და საბჭოთა მოსახლეობის დარბევა და აწიოკება, რასაც დღესაც აქვს ადგილი ჩინეთის იმ მხარეში, სადაც აღმოსავლეთის რკინის გზა მდებარეობს, სწორედ ამ უთანხმოების საბაბია. მაგრამ ჩინეთის კონტრრევოლუციონერების თავხედობა იქამდე მივიდა, რომ მათ არ იკმარეს მარტო საბჭოთა მოქალაქეების დარბევა და რკინის გზის ხელში ჩაგდება, არამედ ჩვენს საზღვარზეც სცადეს ყაჩაღური გადმოსვლა, რასაც სათანადო პასუხი გასცა და დღესაც აძლევს საზღვრის მცველი ჩვენი წითელი არმია.

იმ ამბებს, რაც ჩინეთსა და საბჭოთა შორის ხდება, უშუალოდ ხელმძღვანელობს კონტრრევოლუციონური ხარბინი, სადაც ჩინეთის რეაქციონერების ვარდა დაგროვილია რუსი თეთგვარდიელების ბანდები; თეთრი ემიგრანტები ის ხალხია, რომელიც ოქტომბრის რევოლუციის რკინის ცოცხმა გადახვეტა ჩვენი საზღვრებიდან, წაართვა მათ მშრომელ ხალხზე ბატონობის უფლება; ამიტომ გასაკვირი არ არის, რომ ეს ხალხი საბჭოთა ქვეყანაზე გაბოროტებულია.

ეს ასეცაა და აი ჩვენ ვხედავთ, რომ თეთრგვარდიელები, ეს ყოფილი გენერლები, მემამულეები, მებატონეები, ყველგან, სადაც კი შესაძლებელია, შხამს ანთხევენ და ათასგვარ ხრიკს მიმართავენ ჩვენი ქვეყნის წინააღმდეგ.

თეთრგვარდიელების დიდძალი ნაწილია დაგროვილი ჩინეთში, ისინი მონაწილეობას იღებენ საბჭოთა კავშირსა და ჩინეთს შორის ჩამოვარდნილი უთანხმოების გართულებაში.

მათი მოღვაწეობის ცენტრი, რასაკვირველია, ჩინეთის აღმოსავლეთ რკინის გზაა, და ინტრიგების და ყაჩაღური ზრახვების ხელმძღვანელი კი ხარბინია.


საკმარისია გაცდეთ საბჭოთა კავშირის საზღვარს ჩინეთის რკინის გზის ხაზით, რომ პირველ სადგურშივე ვაგონში შეეფეთოთ ჩინელ პოლიციელს, რომელსაც თან ახლავს რამდენიმე ჯარისკაცი და მათთან ერთად რამდენიმე რუსი თეთგვარდიელი. ამ დღეებში საბჭოთა ერთი ჟურნალისტი სწერდა: „თუ დაინტერესდებით ამ თეთგვარდიელების პიროვნებით, მათში უსათუოდ რომელიმე წარსული არისტოკრატიული გვარის შთამომავალს აღმოაჩინოთ“.

თქვენ შეიძლება იფიქროთ, რომ ეს თეთგვარდიელები ამ ჩინელი პოლიციელების უბრალო მხლებლებია. სრულებით არა! ისინი, პირიქით, მთავარი ხელმძღვანელები არიან იმ ჩხრეკის, რომელსაც აწარმოებენ. ჩინელი ოფიცრები მეტ წილად ვერ ლაპარაკობენ რუსულად და ამიტომ ყოველგვარი მოწმობის და ვიზების შემოწმება ამ თეთრგვარდიელების ხელშია.

რასაკვირველია, აქ ამ ყოფილ „გრაფს“ ან „თავადს“ არა აქვს ის უფლებები, რომლითაც სარგებლობდა მონღოლიაში ვინმე თეთრგვარდიელი, რომელიც შენიშნულ საბჭოთა მოქალაქეს პირში აღულებულ ტყვიას ასხავდა, ან სამხეცეში ჩასვამდი, მაგრამ მისი ერთი სიტყვა საკმარისია, რომ თქვენ კომინტერნის აგენტად გამოგაცხადონ, ჩინეთისათვის საეჭვო პიროვნებად მიგიჩნიონ.

ხარბინის მთელი ადმინისტრაციული აპარატი ასეთი თეთგვარდიელებითაა ავსებული. თეთგვარდიელი აქ პოლიციელიცაა, ჩინოვნიკიც, აგენტიც, მცველიც და სხვა.

ჩინელი ჩინოვნიკები თეთგვარდიელებს უტყუერიან როგორც ისეთ ადამიანებს, რომელნიც გამორიყულნი არიან სამშობლოდან, ამიტომ სძულთ თავიანთი სამშობლო, ახლა საბჭოთა კავშირი, რომლის საწინააღმდეგო საქმეში ისინი არაფრის წინაშე არ დაიხევენ. თეთრგვარდიელებმაც კარგად იციან, თუ რისთვის ესაკიროება ისინი ჩინეთს და ამიტომ პირნათლად ასრულებენ სამსახურს, რასაც ის ნაყოფი მოაქვს, რომ **პოლიტიკურ ამინდს** ნაწილობრივ ისინიც ჰქმნიან. ისინი სჩადიან ყოველგვარ საძაგლობას



რაც საბჭოთა კავშირის წინააღმდეგაა მიმართული; ჩინეთის ანტისაბჭოთა მოქმედება — ეს მათი მოქმედებაა. ისინი ჯაშუშობენ, ადგენენ ყალბ დოკუმენტებს, ავრცელებენ ცილს, არწმუნებენ ჩინელებს საბჭოთა კავშირზე თავდასხმის აუცილებლობაში, ერთი სიტყვით, ქმნიან ისეთ პირობებს, რომელშიაც უძნელდება მუშაობა საბჭოთა წარმომადგენლობას ხარბინში და საბჭოთა მოქალაქეებს ჩინეთის აღმოსავლეთ რკინის გზაზე.

თეთრგვარდიელების ანტისაბჭოთა მუშაობა თვით ხარბინში იმაში გამოიხატება, რომ ისინი ყოველ ფეხის ნაბიჯზე დევიან საბჭოთა კავშირის მოქალაქეებს, არ თაკილობენ პოლიტიკურ შანტაჟს, სიყალბეს, გაიძვერობას და ხანდახან ძარალით თავზე დაცემასაც. რასაკვირველია, ამის შეტი მათ არაფერი არ დარჩენიათ, და, აი, თეთრი

ხარბინიც ხარობს და ჰყვავის მათი კეთილშობილური მსახურით.

ანტისაბჭოთა მოქმედება ხშირად ისეთ სასაცილო მდგომარეობამდე მიდის, რომ კრძალავენ საბჭოთა კინოების დადგმას; ეს კიდევ არაფერი; საქმე ისაა, რომ ხშირად წითელი ლამპის ანთებას, ან წითელი ცვირსახოცის გამოტანასაც კრძალავენ.

ჩინეთის ადმინისტრაცია, ყიდულობს რა თავისი მსახურისათვის თეთრ ემიგრაციას, უყურებს ამ ემიგრაციას, როგორც ისეთ ადამიანთა მასალას, რომლის გამოყენება შეიძლება, სანამ ის საჭიროა, შემდეგ კი თავიდან მოშორებაც არ იქნება შეუძლებელი.

ს. ნი

### ოქტომბრისათვის

ჩვენ მოგონებას აღარ ვიკმარებთ, მშენებლობაში მიედივართ წინსვლით, მთებს ხომ ძირები გამოვუთხარეთ, მტრის წინააღმდეგ ყოველდღე ვიბრძვით.

დღეებს ახალი დღეები მოსდევს, გვირავს ბური და კვამლი აცვია, და თან მიუვალ მთის ფერდობებზე ქარხნებს მიღები აუმართიათ;

და ვაფრიალებთ ბრძოლის ბაირაღს, ჩვენ შებრძოლება ისევ მოგველის, — მკერდებში რკინის გულებს ჩავიდგამთ და მტერს ვმირულად შევეომებით.

ახლა ეგ ბრძოლა უბარკადო ფოლადისებურ აზრის და განცდის,—

თვითეულ ქებასაც უნდა გვიამბოს, მშენებლობაში რომ დავვაჟაკადით.

დღევანდელი ბრძოლას და შრომას მუშა მართავს და მუშა განაგებს, დღეს ოქტომბრის მნიშვნელობაზე ბავშიც თამამად ილაპარაკებს.

გაგეხარდება, როცა შეხედავ ამ მშენებელთა რიგებს და ბანაკს, რომ დაღებული მანქანის ხახა კირსა და ქვიშას ურიცხვად ყლაპავს.

დღევანდელი შრომას და ბრძოლას მუშის გულ-მკერდი ფხიზლად განაგებს; დღეს ოქტომბრის მნიშვნელობაზე ბავშიც თამამად ილაპარაკებს...

ანლ. ადამია


### გამარჯვებულთა სიმღერა

ძმებო, ზვირთისებრ გრგვინავენ გაგენტებული გრძნობები, როს ჩანჩქერივით უხვია მონაპოვარი ბრძოლების. ბრძოლებს მშრომელთა გულ-მკერდზე გადუქროლია მრავალჯერ, ცეცხლის ვულკანი შეხლია ძველი ეპოქის საფუძველს. თვითეულ კაცის სიმტკიცე თუ ბრძოლის ძალად გვიღირდა, დღეს ცეცხლი ანაპრალდება მშრომელთა გულის სიღრმიდან... მაგრამ ჯერ ისევ მძვინვარებს

ძველი სამყაროს ძალები, და გულზე სევდას მოგვაფენს კვლავ ხსოვნა კომუნარების. ჩვენ თუ ბრძოლების სიმძაფრით გაგვიმარჯვია მრავალჯერ, გვჯერა, რომ „ანდერძს“ ავუგებთ შავბნელ მსოფლიოს ბნელ ძალებს. წარსულ ბრძოლების ქარცეცხლი, წარსულ ბრძოლების სიმძაფრე ბოლშევიკების მძლე ზვირთებს ალთქმულ მიზნისკენ მიგვაფერნს.

გრიგოლ იკოშვილი.

# „საბჭოთა კავისი“ გელაფრანა მოსკოვიდან აშერიკაში



დღეს ყველამ იცის, რა სისწრაფით ვითარდება ავია-ცია. ყოველ წელს ამ მხრივ ახალ-ახალი გამარჯვება მოაქვს. ევროპის ქვეყნები დღედაღამე მუშაობენ ავიაციის განვითარებისათვის და დიდი მიღწევებიც აქვთ. ცხადია, მშრომელთა ქვეყანაც, საბჭოთა კავშირი, სათანადო ზომებს უნდა იღებდეს, რომ ამ მხრივ არ ჩამორჩეს სხვა სახელმწიფოებს. მართლაც, ს. ს. რ. კ. ძალზე ზრუნავს თავისი ავიაციის განვითარებაზე.

დიდი ხანი არ არის, რაც საბჭოთა აეროპლანი „საბჭოთა ფრთები“ მოსკოვში დაბრუნდა დასავლეთ ევროპიდან. მან დაამტკიცა, რომ ჩვენში დამზადებულ აეროპლანს შეუძლია ხანგრძლივი ფრენა, დიდი მანძილის და დაბრკოლებების გადალახვა.

როდესაც „საბჭოთა ფრთები“ დაბრუნდა დასავლეთ ევროპიდან, მოსკოვის აეროდრომზე აზუსტუნდა და აღმოსავლეთის მიმართულებით შეინაგარდა ჰაერში მეორე დიდ აეროპლანმა „საბჭოთა ქვეყანა“, რომელიც ციმბირისაკენ გაემართა, რომ 20000 კილომეტრი მანძილი გადაეფრინა ციმბირზე, წყნარ ოკეანეზე და ჩრდილო ამერიკაზე.

ეს აეროპლანი ვაკეთებულა ინჟინერ ტუპოლევის პროექტის მიხედვით, მას აქვს ორი მოტორი და თითოეული მათგანის ძალა 600 ცხენის ძალას უდრის. ამ აეროპლანის დანიშნულებაა ხანგრძლივი ფრენა. მასზე მოწყობილია რადიოსადგურიც.

„საბჭოთა ქვეყანა“ მოსკოვის აეროდრომიდან აფრინდა 23 აგვისტოს დღის 3 ს. 20 წამზე. ამავე დღის 2 ს. და 30 წამზე (მოსკოვის დროით) ის მიფრინდა ჩელიაბინსკში და გაიარა 1500 კილომეტრი საშინელი მოპირდაპირე ქარის დროს.

მეორე დღეს აეროპლანი ჩელიაბინსკიდან კურგანში გადაფრინდა, იქიდან — ომსკში, ომსკიდან — კრასნოიარსკში. 27 აგვისტოს იქიდან გაფრინდა ირკუტსკში და 850 კმ. გაიარა 5 ს. და 13 წამში, ე. ი. საათში 162 კმ. გადიოდა. აეროპლანს საქმეს უჭვივრებდა საშინელი მეტეოროლოგიური მოვლენები და ის იძულებული იყო რამდენიმე დღეს ირკუტსკში გაჩერებულიყო. ირკუტსკიდან ბაიკალის ტბის მიმართულებით უნდა წასულიყო. ცნობები მოსალოდნელი ამინდის შესახებ არასანუგეშო იყო, მაგრამ „საბჭოთა ქვეყანა“ მაინც გაფრინდა და სასტიკად შეებრძოლა აედარს, როგორც იქნა, სძლია და ევრხნეულისკში ჩაფრინდა და იმავე დღეს ჩიტას მიაშურა, თუმცა კოკისპირულად წვიმა. 2 სექტემბერს ჩიტადან ბლაგოვეშჩენსკში მივიდა, მეორე დღეს კი იქიდან ხაბაროვსკში, სადაც „საბჭოთა ქვეყანა“ აეროდრომზე მშვიდობიანად დაეშვა. ამრიგად დასრულდა ციმბირზე გადაფრენის პირველი ნაწილი, რამაც დიდი დაბრკოლებების გადალახვა მოითხოვა.

გაცილებით უფრო საშინელი იყო შემდგომი გზა — აეროპლანს უნდა გადაეფრინა უდაბურ ოხოტის და ბერიგის ზღვებზე (წყნარ ოკეანეზე). ეს ორივე ზღვა მართლაც აუტანელია, აქ მებადურის ნაცხაც კი იშვიათად შეხედებთ; აქ თითქმის გამუდმებით საშინელი ნისლი დგას მთელი კვირაობით. იშვიათია სხვა ასეთი ზღვები მთელ დედამიწის ზურგზე. ძალიან საინტერესო იყო გამოიკვლიათ მთელი წლის განმავლობაში დგას აქ ეს ნილი, თუ არის ისეთი თვეები, როდესაც ეს ზღვები თავისუფალია ნისლისაგან. ვაზოკლევამ ნათესაჲ; რომ ავგისტო — სექტემბერში შედარებით უფრო ხელსაყრელია ამ ზღვებზე გადაფრენა: ნისლი 5 — 9 დღის განმავლობაშია

თვეში და არა 15 — 20 დღის განმავლობაში, როგორც ზაფხულის თვეებში. აი სწორედ ამიტომ შეარჩიეს ეს დრო. ხაბაროვსკში „საბჭოთა ქვეყანა“ ჰილროაეროპლანად აქციეს და ნიკოლაევსკში გაემართენ, იქიდან კი პეტროპავლოვსკში. ამრიგად გაიარეს 1800 კილომეტრი გამძვინვარებული ოხოტის ზღვის თავზე, როდესაც ძირს ზღვა ქუხდა და სქექდა გააფთრებული, ზევით კი ქარი წიოდა და თავგამეტებით ებრძოდა გამბედავ მოგზაურებს, რომლების აეროპლანის ზუსტნი ინთქმებოდა ქარის ღრიალში.


20 სექტემბერს პეტროპავლოვსკიდან გაფრინდენ კამჩატკაზე და 7 საათის შემდეგ მივიდენ ალექსანდრის კუნძულებზე — გაიარეს 1100 კმ. (საათში 190 კმ.). წყნარ ოკეანეზე საშინელი ქარიშხალი იყო, რაც მეტად ართულებდა საქმეს, მაგრამ აეროპლანმა მაინც გაიმარჯვა. მოსკოვ-ნიუ-იორკის გზის პირველი ნახევარი ამრიგად გავლილი იყო.

21 სექტემბერს „საბჭოთა ქვეყანა“ კუხძულ უნალაშკაზე გადაფრინდა. ამრიგად მშვიდობიანად დასრულდა წყნარ ოკეანეზე გადაფრენა. ავიაციის ისტორიაში ეს პირველი მაგალითია. პეტროპავლოვსკსა და კ. უნალაშკას შორის, წყნარ ოკეანეზე, მანძილი 2500 კმ. უდრის (მოსკოვიდან კი 11500 კმ.). უნალაშკაში მიფრენის დროს ზღვა გაგვიებული იყო, აეროპლანი აზვირთებულ ტალღებზე დაეშვა და კინაღამ მიემსხვრა კლდოვან ნაპირს. მათ საშველად გამოვიდა ამერიკელების მოდარაჯე გემი, რომელმაც ორი საათის წვალების შემდეგ რის ვაი-ვაგლახით შესძლო ბუქსირით აეროპლანის აყვანა.

რადგან საშინელი ქარი იყო, ისინი რამდენიმე დღეს უნალაშკაზე შეჩერდენ. მხოლოდ 27 სექტემბერს დილით შესძლეს ალიასკაზე მდებარე სტუარდში ჩაფრენა (გაიარეს 1300 კმ., საათში 162 კმ.). შემდეგ, 30 სექტემბერს, მივიდენ სიტკში, იქიდან კი 3 ოქტომბერს წავიდენ სიეტლში (ვაშინგტონის შტატი). მათ შორის 1368 კილომეტრია. გზაზე მოტორმა ცუდად დაიწყო მუშაობა და შუაგზაზე იძულებული იყვნენ დაშვებულიყვნენ ზღვაზე გრეგთან. მათ გამოითხოვეს ახალი მოტორი, მიიღეს კიდევ და გაემართენ სიტლისკენ, თანაც 1200 კილომეტრი გაიარეს, სქელ ნისლში გახვეულებმა, თან ქარიშხალიც მძვინვარებდა.

მიფრინდენ სიტლში... ამით ფაქტიურად დასრულდა გრძელი გზა — მათ დედამიწის ნახევარს შემოუფრინეს, სიტლსა და ნიუ-იორკს შორის მშვენიერი საჰაერო ხაზია, იქ ღამითაც კი შეიძლება ფრენა. ამ გზის სიგრძე 4000 კილომეტრს უდრის. „საბჭოთა ქვეყანა“ ბევრ ადგილას ჩაფრინდება. ვაზეთები გვაწვდის ცნობას, რა დიდი ინტერესით ხვდებიან ჩვენს აეროპლანს ამერიკელები, რომელთაც აინტერესებთ საბჭოთა კავშირში ვაკეთებულ აეროპლანის გამძლეობა.

რა მნიშვნელობა აქვს ამ გადაფრენას? აი რა: „საბჭოთა ქვეყანამ“ ყველას დაუმტკიცა, რომ მას შეუძლია ხანგრძლივი ფრენა. მან უძნელესი გზა გაიარა — გადაუფრინა ციმბირს და წყნარი ოკეანეს ჩრდილო ნაწილს; ეს გზა ჯერ არცერთ აეროპლანს არ გადაუღახავს. მან გაიარა 14500 კილომეტრი — მანძილი მოსკოვსა და სიტლს შორის. ამ გზას 50 დღე დასჭირდა, მაგრამ ეს მხოლოდ იმიტომ, რომ ამინდი მეტად ცუდი იყო, რაც ხელს უშლიდა ფრენას. ამჟამად „საბჭოთა ქვეყანა“ განაგრძობს ამერიკის მიწაწყალზე ფრენას და ნათლად უმტკიცებს ამერიკის ბურჟუაზიას, თუ რამდენად წინ მიდის საბჭოთა კავშირი მუშათა კლასის მეთაურობით...



# ალვხარდოთ ლენინათა მილიონები.

ცხოვრებასთან ერთად.

გაგა ხუთი წელი...

ბევრმა რაზმმა და რგოლმა იცის ალბათ კრუჰსკაიას წერილი, რომელშიაც ის ბრალსა სდებდა პიონერებს, რომ ისინი შორდებიან საზოგადოებრივ ცხოვრებას, რომ პიონერორგანიზაცია ზედმეტად კარჩაკეტილია. ეს კარგად უნდა დაიხსომოს ყოველმა ნორჩმა პიონერმა.

**„მუშაობის გარეშე, ბრძოლის გარეშე კომუნისმის წიგნური ცოდნა კომუნისტური ბროშურებიდან და ნაწარმოებებიდან სრულიად არაფერი ღირს“.**

**ლენინი**

და კითხვაზე, როგორ ვისწავლოთ, ლენინი იძლევა პასუხს:

**„ყოველი ნაბიჯი სკოლაში საქმიანობისა, ალზრდის ყოველი ნაბიჯი უნდა დაუკავშიროს ყველა მშრომელის ბრძოლა ექსპლოატატორების წინააღმდეგ“.**

სხვა გზა არ არსებობს, რომ ჩვენგან მომავალი კომუნისტები გამოვიდნენ.

ბრძოლა 5-წლიანი გეგმისათვის და მთელი ჩვენი ყოველდღიური საზოგადოებრივ-პრაქტიკული მუშაობა უნდა დაუკავშირდეს მთავარ ამოცანას—ალზრდა პიონერებში ახალი ადამიანის თვისებებისა. ჩვენ უნდა გამოვჰქედოთ რაზმებიდან და რგოლებიდან ახალი ადამიანები, უფრო უკეთესები, ვიდრე ჩვენი მამები და ძმები არიან.

## როგორი უნდა იყოს პიონერი?

ყოველმა პიონერმა უნდა აღზარდოს თავისი თავი კოლექტივისტად, თვითმოქმედად, შემოქმედ ადამიანად, რომელსაც შეეძლება კრიტიკულად მიუღდეს თავის და სხვის მუშაობას, რომელსაც შეეძლება მუშაობა და კულტურული ადამიანის გამოცდილებათა შექმნა.

ყველა ეს თვისება შეიძლება მიიღოს უპირველეს ყოვლისა კოლექტიურ მუშაობაში. უნდა შეეჩვიოს და შეაჩვიოს სხვაც კოლექტიურ მუშაობას, კოლექტივისათვის ფიქრობდეს, არასოდეს დაშორდეს მას, რითაც მთლიანად მოვსპობთ ჩვენში ინდივიდუალიზმის გრძნობას, თავისმოყვარეობას და კარიერიზმს. მეორე: ჩვენ უნდა განვაავითაროთ ყველა პიონერის თვითმოქმედება და შემოქმედება, მივადწიოთ იმ მდგომარეობას, როცა ყველა ბავში აქტიურ მონაწილეობას მიიღებს რაზმის ყოველდღიურ მუშაობაში, მესამე: კრიტიკულად უნდა უყურებდეს შენსა და სხვის მუშაობას, შეგედლოს სწორედ შეაფასო მუშაობა, შეგედლოს გააკრიტიკო სუსტი და აღნიშნო დადებითი მხარეები რაზმების და მთელი ორგანიზაციის მუშაობაში, მოიშორა მლიქვნელობა და უფროსების ფეხ-ქვეშ ჩავარდნა. მეოთხე: ჩვენ უნდა აღვზარდოთ მკოდნე, კულტურული ადამიანი, მოვიპოვოთ ისეთი მდგომარეობა, რომ თვითეული პიონერი მიიღებოდეს ცოდნისაკენ, შეედლოს პოლიტიკურ ამბებში გარკვევა. პოლიტიკურად უფიც ადამიანს არ შეუძლია სოციალისტური საზოგადოების აშენება. პიონერმა უნდა მიიღოს შრომითი გამოცდილება, შეიყვაროს შრომა, შეედლოს მუშაობა საერთო საქმისათვის. პიონერი უნდა იყოს გამბედავი, დაჟინებული და ფიზიკურად ამტანი მებრძოლი.

უფროსი პიონერები გახდებიან ოც-ოცი წლის... პიონერორგანიზაციის რიგებიდან წავა მილიონ-ნახევარი ბავში. სად წავლენ ისინი? რას გააკეთებენ? გაიზრდებიან მათგან სოციალიზმის აქტიური მშენებელი თუ ჩვეულებრივი მეზრანები, ამ მშენებლობის გარეთ მდგარნი.

გვეყავს ჩვენ სხვადასხვა ბავშვები. ერთმა ისწავლა პიონერ-რაზმში ყოფნის დროს თავისი საკუთარი მტრის სიძულვილი, დაიწყო კომკავშირში მუშაობა და მუშაობს წარმოებაში. მეორე ამხანაგი გადავიდა კომკავშირში, ლაპარაკი კარგად იცის, ისერის ლამაზ ფრაზებს და ლოზუნგებს, მაგრამ მას აკლია მტრის სიძულვილი, აკლია მუშაობის უნარი და კოლექტივიზმის გრძნობა. ყოველი ფაბრიკა და ქარხანა უთვალყურებს იმას, თუ როგორია მათი პროდუქცია და ყოველ წარმოებაშია დადებითი და უარყოფითი მხარეები; ხოლო პიონერორგანიზაცია დღემდე არ უგდებდა ყურს, რას იღებს პიონერი, რომელიც სტოვებს რაზმს, როგორი ნაკლი აქვს მას, ამის ცოდნა კი ძალზე საჭიროა.

## საბჭოთა კავშირის ახალი მუშები სჭირდება.

წაკითხვას „რა მინდა ვიყო“ ბევრი ბავში გამოეხმაურა და ბევრ მათგანს უნდა იყოს მსახიობი, კანტორის მოხელე, მწერალი, გამომკვლევნი. ჩვენ გვესაჭიროება, რასაკვირველია, სხვადასხვა პროფესიის ხალხი, მაგრამ საბჭოთა მხარეს ყველაზე უფრო დასჭირდება ინჟინრები, ტექნიკოსები, კვალიფიცირებული მუშები. საჭირო იქნებიან ზრდაში მყოფი მრეწველობის მეთაურები. ხუთ წელში უნდა მომზადდეს 61000 ინჟინერი, 116000 ტექნიკოსი, 200000 მასწავლებელი. პიონერორგანიზაციამ უნდა მოამზადოს ის ხალხი, რომელიც შემდეგ ინჟინერები, აგრონომები და მასწავლებლები გახდება. ესენი უნდა იყვნენ ახალი მუშები, ესენი უნდა შეიქმნენ შემქმნელი მაღალი ხარისხის, ხოლო ფასით დაბალი პროდუქციის. ესენი უნდა იყვნენ რაციონალიზაციისათვის, შრომის უკეთესი ორგანიზაციისათვის მებრძოლი.

## შრომის და ბრძოლის პოემა.

**ჩვენი პარტიის უდიდესი ტრადიციები, წარსული რევოლუციონური ბრძოლის მებრძოლი გამოცდილება უნდა გახდეს გზის მაჩვენებელი ვარსკვლავი მსოფლიო რევოლუციისათვის ბრძოლაში.**

ძველ ბოლშევიკთა საზოგადოება თავის მიმართვაში პიონერების შეკრებისადმი სწერს:

„ჩვენ უნდა ვისწავლოთ და ვიმუშაოთ, ვიმუშაოთ და ვისწავლოთ ისეთი თავდავიწყებით, რასაც ვგასწავლიდა დიდი ლენინი თავისი ცხოვრებით, თავისი მაგალითით. ჩვენ უნდა დავრზამოთ მილიონები დაუთვალავ სიძნელეთა დასაძლევად, რომელნიც დგანან სოციალიზმის მშენებლობის გზაზე ჩვენში, და ძალა-უფლების დასაპყრობად მთელ ქვეყანაზე. ასე შევასრულებთ ლენინის ანდერძს.

აქეთკენ მოგიწოდებთ შენ, ლენინის პიონერო. შეისწავლე ლენინიზმი, ე. ი. ისწავლე ცხოვრება და ბრძოლა,

სიძულვილი და სიყვარული, გამარჯვება და დამარცხების კრილობების მორჩენა ლენინის უდიდეს მაგალითზე. გიყვარდეს და შეისწავლე ლენინი და მისი მთლიანი პარტია.

იყავი დისციპლინიანი ბრძოლის საკითხებში ისევე, როგორც ლენინი, რომელმაც ბრწყინვალედ იცოდა აცდენა მენშევიკების და ტროცკისტების მიერ გამოსროლილი ისრების და „ხან მემარჯვენე, ხან მემარცხენე“ კომუნისტების დამაძინებელი სიმღერების. იარე წინ ლენინის გზით.

შეტევაზე გადადი სიზანტის, კერძო საკუთრებისადმი მიდრეკილების, შეეჭვების წინააღმდეგ, ბატონობის და მონობის ნაშთების წინააღმდეგ; მოგვეცი ყველაფერი, რაც შენში საუკეთესოა და წმინდა. გახსოვდეს, რომ გოგონა-პიონერს ჯერ კიდევ დიდი ბრძოლა უხდება ქალის დემონების წინააღმდეგ. დაიცავით თანასწორუფლებიანობა და ამხანაგური ურთიერთობა. ბიჭებსა და გოგონებს შორის.

გახსოვდეს ქვეყნის ხუთი მეექვსედი, სადაც უმებრძოლი მილიონები დილეგებში და ციხეებში ელიან შენს დახმარებას.

ზედმეტი კაპეიკი გადაგზავნე რემედასში. შეისწავლე უცხო ენები.

შენი დახმარება საჭირო იქნება გადამწყვეტ მომენტში, როდესაც იმპერიალიზმის ვეშაპები შეეტაკებიან მსოფლიო რევოლუციის ძალებს.

იყავ მზად.

ძველ ბოლშევიკთა საზოგადოება“.

### ლენინის საქმისათვის

საკავშირო შეკრებამ პატარა როლი არ ითამაშა პიონერების მომზადების საქმეში, იმ დიდი ამოცანების შესასრულებლად, რომელიც მათ წინაშე დააყენა პარტიამ, ძველმა ბოლშევიკებმა.

ათასჯერ მართალია ნადეჟდა კონსტანტინეს ასული კრუპსკაია, როცა წერდა:

შეკრებაზე ჩამოსული პიონერები გაიგებენ, შეიგონებენ ორგანიზაციის მთელ სიძლიერეს. მუშებისა, მუშა ქალებისაგან, პარტიულებისაგან გაიმსჭვალებიან ისინი მტკიცე ნებისყოფით ბრძოლაში, ყოველი მათგანი წარმოიდგენს თავის თავს უდიდესი არიის ნაწილად, რომელიც იბრძვის ლენინის საქმისათვის, სოციალიზმის გამარჯვებისათვის.

არა, პიონერთა შეკრება გართობა არაა, არც თამაში. ძველი კვდება, ახალი მოდის.

ახლისათვის, მუშათა საქმისათვის ბრძოლისთვის იყავით მზად!

## ეკროპული პროლეტარული მხარლეგი ტფილისში

ამ დღეებში ტფილისს ესტუმრენ ევროპის რევოლუციონერი მწერლები, პროლეტარული ლიტერატურის საერთაშორისო ბიუროს დელეგაცია. დელეგაციაში შედიოდნენ დასავლეთში საკმაოდ ცნობილი რევოლუციონერი მწერლები: 1. გერმანელი იოჰანეს ბეჰერი, რომელიც ამ

ცოტა ხნის წინად ციხეში იჯდა იმისათვის, რომ მან დასწერა მომავალი ქიმიური ომის საშინელებაზე ანტიიმპერიალისტური წიგნი; 2. პოლონელი ბრუნო იასენსკი, რომელმაც დასწერა წიგნი სათაურით „მე ვწავ პარიზს.“ ეს წიგნი დაწერილია ერთი ბურჟუაზიული მწერლის წიგნის



ამხ. მატე ზალკა „პიონერის“ რედაქციაში. სხედან მარჯვნიდან მარცხნივ: ამხ. ამხ. ელ. პოლუმორდვინოვი, ვალ. ლუარსაშიძე, მატე ზალკა, ა. მაშაშვილი. დგანან ამხ. ამხ. სიმონ წვერაგა და აღ. სულაგა.

გამო, რომელსაც მან სათაურად დაარქვა „მე ვწვავ მოსკოვს“ ბ. იასენსკის წიგნი, როგორც სათაურიდან ჩანს, ანტიბურჟუაზიული წიგნია; 3. **ხელა იღეში**, ცნობილი ვენგრიელი მწერალი, ავტორი წიგნისა „ტისა იწვის“. ამ წიგნში აღწერილია უნგრეთის მუშათა კლასის რევოლუციონური ბრძოლა; 4. **ლუდვიგ რენი** — გერმანელი პროლეტარული მწერალი, ავტორი წიგნისა „ომი“, სადაც იმპერიალისტური ომის საშინელებებია გადმოშლილი; 5. **გაინც კაგანი** — გერმანელი პროლეტარული მწერალი, პროფესიონალური რევოლუციონერი და 6. უნგრელი მწერალი **მატე ზალკა**. მაგრამ მატე ზალკა ჩვენთვის საინტერესოა განსაკუთრებით, როგორც აგრეთვე საბავშვო მწერალი, რომლის მოთხრობებს ჩვენი პიონერები უკვე იცნობენ.

უახლოეს ნომრებში დაიბეჭდება მისი ახალი მოთხრობები; რაც შეეხება მოთხრობა „უუუა“ და „განსის თავგადასავალს“, ეს უკვე ჩვენთვის ნაცნობი მოთხრობებია, დაბეჭდილია ჟურნ. „პიონერში“.

მატე ზალკა უნგრელი კომუნისტია; წინათ ის ოფიცერი იყო; ომში ის სკოლის სკამიდანვე მობედა. ომის დროს მან დასწერა ერთი მოთხრობა, რისთვისაც პასუხისგებაში იყო მიცემული; ომის წლებში ტყვედ ჩავარდა რუსეთში 1916 წელს; ამ დროს მიემხრო რევოლუციონურ მოძრაობას.

1917 წელს იღებდა მონაწილეობას ოქტომბრის რევოლუციაში, ინტერნაციონალური რაზმის ხელმძღვანელი იყო.

მხურვალე მონაწილეობას იღებდა სამოქალაქო ომებში, იყო ტყვედ კოლჩაკის ხელში 6 თვის განმავლობაში; გადაწყვეტილი ჰქონდა დახვრეტა, რასაც თავი დააღწია. სამოქალაქო ომებში მთელი რიგი გმირობისათვის ამხ. ზალკა დაჯილდოვებულია წითელი დროშის ორდენით.

რუსეთში მატე ზალკა ცხოვრობს 1916 წლიდან. ლიტერატურაში მუშაობს 1913 წლიდან. სწერს ბავშვებისათვისაც. ის ავტორია მთელი რიგი რევოლუციონური შინაარსის მოთხრობებისა: „უუუა“, „განსის თავგადასავალი“ „ხოდია“, „მისტერ კერკლინის საქმე“ და სხვა.

*Gruzin pro netak!*

*A fatal gverin elvtassas keireu  
kell leunie a legrimélekkenebb  
harcra*

*a feodalismus eshevesyivel*

*a szarizmusnal*

*a renegeskedéssel*

*a disciplinalatlansággal szem-  
ben, a nacionalis pönörök.*

*Ség kisé járma a harcra*

*Zelkaié*

საქართველოს პიონერებს!

საქართველოს პიონერი მზად უნდა იყოს, რომ ებრძოდეს:

- 1) შშობლების ფეოდალურ ზნე-ჩვეულებებს,
- 2) ნაციონალურ შემოფარგულობას — შოვინიზმს,
- 3) ლობობას,
- 4) უდისციპლინობას

სოციალისტური მომავლისათვის.

ამისათვის იყავ მზად, საქართველოს პიონერო.

მატე ზალკა.

ის ავტორია მთელი რიგი მოთხრობებისა, სადაც ომის საშინელებებია გადმოშლილი და ანტიიმპერიალისტური მოთხრობებად ითვლება; ასეთია „პოემა მარადიულ ზაფხე“, „პოემა მესამე ინტერნაციონალზე“ და სხვა.

მატე ზალკა სწერს ამჟამად ერთ დიდ საბავშვო მოთხრობას.

ალ. ს — ვა.

## როგორი უნდა იყოს მეგობრობა

**თავმჯდომარე:** მიტინგს ვახსნილად ვაცხადებ. დღეს ილაპარაკებს ორი ორატორი; ისინი ილაპარაკებენ იმის შესახებ, თუ როგორი უნდა იყოს მეგობრობა პიონერთა შორის. პირველი სიტყვა ეძლევა 1 კოლექტივის ხელმძღვანელს.


**ხელმძღვანელი:** ერთ-ერთი რაიონის ბანაკის პიონერები სისტემატიურად სცემდნენ პიონერ მოსიაშვილს. ერთ-ხელ ის და მისი ერთი ამხანაგი სასტიკად გალახეს. აგრეთვე ემუქრებოდნენ სხვა პიონერებსაც. ამ გალახვის შიშის ნიადაგზე თხუთმეტამდე პიონერი გაიქცა ხსენებული ბანაკიდან, ბანაკის აღმინისტრაცია კი ყურადღებასაც არ აქცევდა ამ მოვლენას. თუმცა რაზმის ხელმძღვანელმა ამ მხრივ რაღაცა გააკეთა.

**პიონერი.** ვინ იყო ასეთი?

**ხელმძღვანელი:** რა საჭიროა გვარების დასახელება? მხოლოდ მე ყველაზე უფრო ის მაშფოთებს, რომ მათში პიონერ-კომკავშირელიც ურევია. ეს კი ძალიან ცუდია. კომკავშირელებმა პიონერებს რჩევა-დარიგება უნდა მისცენ, მათ კი, პარიქით, უწესოება და დაუდევრობა შეაქვთ კოლექტივში.

**თავმჯდომარე:** ახლა ილაპარაკებს პიონერი მეორე კოლექტივიდან.

**მეორე პიონერი:** ჩვენს კოლექტივშიაც მეგობრობის საქმე არ არის კარგად მოწყობილი. პიონერები კრებაზე თითქოს თავს იკავებენ, მაგრამ როგორც კი გამოვლენ კრებიდან, მაშინვე დაიწყებენ გინებას და



კინკლაობას. ზოგიერთი უფროსი პიონერი თითქმის უკადრისოვს უმცროსებთან ყოფნას და გარბის. მაგრამ ის სრულიად არ იშლის პიონერ ქალებთან არსიყობას. (სიცილი)

**თავმჯდომარე:** სიტყვა ეკუთვნის პიონერ ქალს.

**ქალი:** მე მგონია, რომ მეგობრობის დამყარება პიონერთა შორის აუცილებელია. მართალია, კოლექტივში შემავალი ბავშვების ყოფაქცევა პირველ ხანებში სხვადასხვანაირია, მაგრამ კოლექტიური ზეგავლენით შეიძლება პიონერთა შორის კარგი მეგობრობის განმტკიცება. ამისათვის საჭიროა ხშირ-ხშირად დასვენების დროს ჯგუფური თამაშობის, საუბრების, საბავშვო შემოქმედების საღამოების ჩატარება. ამ კოლექტიურ შრომაში თითოეული ბავშვის კერძო ინტერესი თანდათან პასიურდება და იგი საერთო საქმიანობაში ებმება. სწორედ აქედან იწყება კოლექტიური მეგობრობა.

**თავმჯდომარე:** პიონერებო, გთხოვთ დაიცვათ სიჩუმე. ახლა ილაპარაკებს საკითხის შესახებ კომკავშირელი.

**ხმები:** გთხოვთ, გთხოვთ!

**კომკავშირელი:** ამხანაგებო, მე, სამწუხაროდ, წარსულ მითინგს არ დავსწრებივარ. მხოლოდ გაზეთებიდან ამოვიკითხე ამ კრების შედეგები. მე გამოსვლამდე ბევრი ვიფიქრე, თუ რა ზომებით გამოვსულიყავ, და ეს ყველაფერი ჩავიწერე კიდევ. მე ვფიქრობ, რომ კერძო მეგობრობა ორ ან სამ ამხანაგს შორის არ უნდა იყოს. არ უნდა იყოს აგრეთვე მეგობრობა ქალ-ვაჟს შორის ანდა ორ ქალს შორის.

**ხმები.** ტყუილია. როგორ არ უნდა იყოს? ეს ჩემბერლენის გამოგზავნილია. ძირს, ძირს!..

**თავმჯდომარე.** გაჩუმდით. ორატორს მიეცით საშუალება გამოსთქვას თავისი აზრი. ვისაც საწინააღმდეგო აქვს, შემდეგ ილაპარაკოს. ამხანაგო ორატორო, განაგრძეთ.

**კომკავშირელი:** მე წინდაწინვე ვგრძნობდი, რომ ჩემს სიტყვას უარყოფითად შეხედებოდნენ. მაგრამ დამაცადეთ გამოვთქვა, რატომ მგონია ასე. ხშირად მინახავს, რომ ორი კაცის მეგობრობის გამო ზარალობდა მთელი კოლექტივი. მაგალითად, იყო ასეთი შემთხვევა: ჩვენი რაზმი გაემგზავრა გემით ფოთიდან ბათუმისაკენ. ქალაქში ჩასვლისას ფული გამოგველია და ძალიან მოგვშივდა. ჩვენს ერთ პიონერს ჰქონდა სამი მანეთი. მან ეს თანხა დაუფარა კოლექტივს და თავის ერთ მეგობართან ერთად წავიდა სადღაც სასადილოდ. აქ კარგად ისაღიღეს და ზედ ნაყინიც დაუმატეს. როგორც ხედავთ, ორმა მეგობარმა კუჭი კარგად გამოიძლო და მათი კოლექტივი კი მშვიერი დარჩა. აი, კიდევ მეორე მაგალითი: ჩვენი სკოლის ნ/პ კოლექტივის ხელმძღვანელი იყო პიონერი ვაჟი, მოადგილე კი ქალი. ისინი ძალიან დამეგობრდნენ. ზამთრის არდადეგების დროს ქალი მიემგზავრებოდა სოფელში თავისიანებთან. ამ დროსვე უნდა შემდგარიყო კოლექტივის მორიგი მეცადინეობა — ვარჯიში. ჩვენმა ხელმძღვანელმა არჩია თავის „დანიშნულს“ სადგურამდე გაჰყოლოდა და ამით მთელი კოლექტივის მუშაობა ჩააფლავა. მე მგონია, თუ აქ დამსწრენი

კარგად დაუკვირდებიან ამ მოვლენას, ამის მსგავსი მრავალი იქნება სხვა კოლექტივების ცხოვრებაშიაც.

**ხმები:** მართალია, მართალია. ჩვენშიც მოხდა ასეთი შემთხვევა: შეუყვარდა პიონერს პიონერი ქალი და მათ, საერთო საქმის მაგიერ, სიყვარულის წერილების მიწერ-მოწერა გამართეს.

**თავმჯდომარე:** მაშ, ამხ. შეაინადე, თქვენის აზრით, როგორ უნდა შეიქმნეს მეგობრობა ნ/პ კოლექტივებში? ანდა, შეიძლება, სულ არ არის მეგობრობა საჭირო?

**კომკავშირელი:** მეგობრობა აუცილებელია. როდესაც კოლექტივში მეგობრობა არსებობს, საქმეც კარგად მიდის. აძიტომ მეგობრობა უნდა განმტკიცდეს კოლექტივის ყველა წევრს შორის. ბოლოს და ბოლოს, რატომ ვინმე ვანო განსაკუთრებით უნდა მეგობრობდეს ვინმე შალიკოს! ვანა ეს ვანო ყველაზე უკეთესია? რატომ ვანოს მაინც და მაინც ცუდი განწყობილება უნდა ექნეს კოლექტივის დანარჩენ წევრებთან? ჩვენ ხომ კოლექტივის საერთო საქმე გვაერთიანებს? და სწორედ აძიტომ არ უნდა იყოს კერძო მეგობრობა ორ პირს შორის.

**ხმები:** მართალია.

**კომკავშირელი:** თქვენ დაინახეთ, რომ ზოგი პიონერი მთელი კოლექტივის სიმშოილს გაუზრბის და თვითონ ძღება ტკბილეულობით და ნაყინებით, ანდა შეყვარებული ქალის გამო სტოვებს მთელ კოლექტივს. პიონერებო, მე ვიცი, რომ თქვენ ჩემს სიტყვას პირველი შეხედვითვე უარყოფთ, მაგრამ ღრმად თუ დაუკვირდებით, მე მართალი გამოვდგები თავიდან ბოლომდე.

**თავმჯდომარე:** ვის სურს ილაპარაკოს? არავის? მაშ, ისმინეთ ყურადღებით. სიტყვა ეძლევა ძველ ბოლშევიკს, ამხ. გრძელიძეს.

**ვიყოთ მეგობრები.**

მეგობრობამ ყოველთვის უნდა გამოიწვიოს საქციელი და მოქმედება, მიმართული არა მხოლოდ კერძო პიროვნების, არამედ მთელი კოლექტივის წევრთა მოთხოვნების დასაკმაყოფილებლად. ეს თუ ასეა, მაშინ ეს გრძობა სოციალურია, სასარგებლოა და აუცილებელი კომუნისტისთვის.

**შეიძლება თა არა მეგობრობა რგოლებს შორის?**

ჩვენ ვიცი, რომ ცხოვრებაში ძალიან ხშირად მეგობრობენ ორ-ორად, სამ-სამად ან ჯგუფ-ჯგუფად. რასაკვირველია, ასეთი მეგობრობა კარგია, მაგრამ ძალზე განუვითარებელია. ყველაზე უკეთესია მეგობრობა მთელ რგოლთან. მხოლოდ როგორ უნდა მოხდეს ეს? რგოლში ხომ ყველას არ მოსწონს ერთმანეთი. ცხოვრებაში ძალიან ხშირად ხდება, როცა პირველივე შთაბეჭდილებისაგან სტყუვდებით. მაგრამ, როცა კარგად გაეცნობით და დაუახლოვდებით საგანს, გინდა აღამიანს, მაშინ სულ სხვა შთაბეჭდილებას იღებთ მისგან, რაც პირველად სულ არ შეგიძინებიათ.



### ვაჟებისა და გოგონების შესახებ

მე, გარდა ამისა, ხშირად შემიმჩნევია ქალ-ვაჟთა შორის კინკლაობა და ლანძღვა. ქალები დასცინიან ვაჟებს, უკანასკნელნი კი ქალებს. ეს მოვლენა შეუწყნარებელია. განა ერთ ოჯახში ძმები და დები ერთმანეთში არ მეგობრობენ? რატომ ჩვენს ოჯახებშიც—კოლექტივებში, კომკავშირში და პარტიაში—არ უნდა იყოს ასეთი და-ძმური მეგობრობა?

### ხუცების არაკები.

ყოველი ჯურის ხუცები ერთადერთი და დაუძინებელი მონაწილენი არიან დედაკაცის იმ საშინელი დამცირების და შეურაცხყოფისა, რომელიც იყო და ახლაც არის ნაწილობრივ ჩვენს ცხოვრებაში. ნუთუ ჩვენს სოციალისტურ ქვეყანაში პიონერები გაეზმებიან ამ მახეში? არა მე დარწმუნებული ვარ, რომ პიონერები ხუცების ამ ანკესზე არ წამოეგებიან და ბრძოლასაც გამართავენ მის წინააღმდეგ. ისინი ყველგან და ყოველთვის მეგობრულად და პატიოსნად მოეპყრობიან პიონერ-ქალებს, დაიცავენ მათ ყოველგვარი შეურაცხყოფისაგან და დამცირებისაგან, მათთან კარგი, მეგობრული დამოკიდებულება ექნებათ და დაიცავენ მათ უფლებას ყოველდღიურ საქმიანობაში.

### ნაციონალიზმი ჩვენი მტერია.

ასეთი მეგობრული დამოკიდებულება უნდა გვექნეს ნაციონალურ უმცირესობასთანაც. ეს საკითხი თითქოს უბრალოა, მაგრამ ძალიან მტკივნეული და სერიოზულია. მართლაც, დააკვირდით ამ საკითხს: იბადებიან ბავშვები და, ყველასათვის გასაგებია, რომ არცერთი ბავში არ არის დამნაშავე იმაში, ქართველმა დაბადა ის, თათარმა, სომეხმა, რუსმა თუ გერმანელმა. ჩვენთვის საინტერესოა არა ის, თუ ვინ ან რომელმა ეროვნებამ შობა ბავში, არამედ — სად და რა პირობებში დაიბადა და იზრდება ის. ყოველი ბავში, რა ეროვნებისაც გინდა იყოს ის, თამაშობს, მხიარულობს, იცინის, იზრდება და ტირის. სანამ ისინი პატარები არიან, მათთვის ყველაფერი ერთიდაიგივეა. აბა, ნახეთ, როგორი სიყვარულით ერთობიან ისინი საბავშვო ბაღებსა და სხვებში, ყველაფერს ერთნაირად გრძნობენ. მაგრამ, როგორც კი წამოიზრდებიან და თანდათან დაიწყებენ გარემოს შეგრძნობას, მაშინ ხდება ძირითადი ცვლილება ბავშვთა ფსიქოლოგიაში და იცვლება მათი ყოფაქცევაც. და სწორედ უბედურებაც ესაა! საიდან მოდის ეს უბედურება? უფროსებისაგან, ჩამორჩენილი, უკულტურო მშობლებისაგან, რომლებიც ზრდიან და უფლიან ამ ბავშვებს.

უფროსები ხომ გახრწნეს მღვდლებმა, ტერტერებმა, მოლებმა, კაპიტალისტებმა, ვაჭრებმა, კულაკებმა, მეშინებმა და სხვებმა, უკეთ რომ ვთქვათ, ყოვლად ჩამორჩენილმა და უკულტურო ხალხმა, რომელმაც ეს გახრწნილება და ძველი ადრეული შეინარჩუნა მშრომელთა ხალხის კლასიური მტრებიც საგან. ზოგიერთ უკულტურო და გახრწნილ ოჯახში ბავშვს ესმის ლანძღვა-გინება ებრაელების, სომხების და იძეორების მას თავის მეგობარ ბავშვებთან ბაღში, საბავშვო სახლში, ქუჩაზე, სკოლაში და სხვაგან.

### თქვენ იცით სიმართლე?

იცინა თუ არა პიონერებმა, რომ სომეხ-თათრების შუღლი, რომელიც მოწყობილი იყო მეფის მთავრობის პროვო-

კაციით, იმ ზომამდე გამწვავდა, რომ ასეული სომეხი ბავში, ქალი და ახალგაზრდა ამოულიტეს! იცინა თუ არა ბავშვებმა ებრაელთა ოჯახების დარბევა, რომელიც მოწყობილი იყო როგორც მეფის მთავრობის, ისე თეთრგვარდიელთა ბანდების მიერ სამოქალაქო ომის დროს, როდესაც ათასობით იხოცებოდნენ ებრაელების ბავშვები, ახალგაზრდები და ქალები? ამ საშინელებას სჩადიოდნენ რუსეთის თეთრგვარდიელები, მეფის შავრაზმელები და უკრაინელი ოფიცრები, რომლებიც ყოველმხრივ ემსახურებოდნენ საერთაშორისო ბურჟუაზიის გამარჯვებას.

იცინა თუ არა ბავშვებმა და პიონერებმა მეფის მთავრობის მიერ საქართველოს ამბოხებული მშრომელების განადგურება! მეფის ჯალათები არ ინდობდნენ ამბოხებულებს, სწვავდნენ მათ სახლკარს, შინაურ ცხოველებს და ბინებს.

იცინა თუ არა პიონერებმა პოლონეთის მშრომელი ხალხის აჯანყება, რაც სამჯერ სისხლით და ცეცხლით ჩააქრო მეფის მთავრობამ! უკანასკნელი ბანდიტები და ავაზაკები არ მოიქცეოდნენ ისე, როგორც მოექცნენ მეფის ჯალათები აჯანყებულ პოლონეთის ხალხს.

### მივცეთ ხელი ხელს.

ამიტომ ჩვენ მეგობრულად უნდა გავუწოდოთ ხელი სხვა ეროვნების ბავშვებს, მაგრამ პიონერებს ისიც უნდა ახსოვდესთ, რომ ისინი ყველანი მუშების და მშრომელების შვილები არიან და ეკუთვნიან იმ საერთაშორისო მშრომელთა კლასს, რომლის დიქტატურისათვის ვიბრძვით მთელ მსოფლიოში.

საჭიროა ყოველი კოლექტივი თუ რგოლი ინტერნაციონალური შემადგენლობის იყოს, რომ მათში შედიოდეს ყოველი ეროვნების ბავში, რომ მეგობრობა ამ სხვადასხვა ეროვნების ბავშვებს შორის მტკიცე იყოს, რომელიმე კოლექტივის ანუ რგოლის წევრმა არ იგრძნოს თავი დაჩაგრულად, არამედ მათ შორის იყოს და-ძმური სიყვარული და ისინი წარმოადგენდნენ მეგობრულად შეკავშირებულ და-ძმებს საერთო ოჯახში — პიონერთა ორგანიზაციაში.


### დამნაშავე არიან ისინი?

მაგრამ ჩვენს წინაშე დგება ერთი საკითხი: როგორ უნდა მოვექცეთ ამ გარდამავალ ხანაში კულაკების, ნეპმანების, ყოფილი მემამულეების, ღვთის მსახურთა და საერთოდ არამშრომელი ელემენტების შვილებს? რასაკვირველია, ბავშვებს არ შეეძლოთ თავისი მშობლები თვითვე აერჩიათ. ისინი ხომ დამნაშავენი არ არიან იმაში, თუ როგორ ან სად დაიბადნენ? მაგრამ მართალია ისიც, რომ ისინი იზრდებიან ჩვენთვის არა მხოლოდ უცხო, არამედ მტრულად განწყობილ წრეში.

როგორ მოვიქცეთ ამ დროს? ამ დროს ბავშვები ვარდებიან საშინელ მძიმე მდგომარეობაში, ისინი თითქოს ორ ცეცხლ შუა არიან. სკოლა, პიონერები და ამხანაგები იზიდავენ მათ თავისკენ, სახლი მშობლები და ნათესავები კი — სულ სხვა მხარისკენ.

### უნდა მივეშველოთ.

ასეთ ბავშვებს ჩვენ გულგრილად არ უნდა მოვექცეთ, პირიქით, ისინი უნდა ჩამოვაშროთ ჩვენთვის მავნე



წრებს და ჩავითრიოთ კოლექტიურ საქმიანობაში. ამით ჩვენ გარდავქმნით მათ კერძო ოჯახურ ფსიქოლოგიას და შევაჩვენებთ კოლექტიურ ცხოვრებას. როდესაც ვიცით, რომ ბავში ამ დროს განიცდის დიდ სულიერ ღრამას, ჩვენ მას ძალიან ფრთხილად და სერიოზულად უნდა მოვექცეთ, წინდაწინვე უნდა ვგრძნობდეთ, რომ ასეთი ბავში უნდა ჩამოშორდეს თავის მშობლებს და ნებაყოფლობით დაობლდეს, ეს კი ძალიან ძნელია ბავშვისათვის. ჩვენ მეგობრულად უნდა გავუწოდოთ ხელი ასეთ ბავშვებს და ამოვიყვანოთ ისინი მეშხანური და ნებმანური ქაობიდან.

**როდის არ უნდა დაუმეგობროდეთ**

მაგრამ, მიუხედავად მრავალი ცდისა და დახმარების, როდესაც ბავში მაინც რჩება ძველი ზნე-ჩვეულების მიმდევარი, ჩვენ მასზე ერთხელ კიდევ უნდა ვცადოთ გავლენის მოხდენა და, თუ უშედეგოდ ჩავგვიარა, მაშინ სამუდამოდ უნდა გავსწყვიტოთ მასთან ყოველგვარი კავშირი, კლასიურ მტრებთან მეგობრობა ჩვენ არ გამოგვადგება. ამიტომ, მე გირჩევთ ასეთი წრებიდან გამოსულ ბავშვებთან კერძოდ ნუ იქონიებთ მეგობრობას, არამედ მთელმა ორგანიზაციამ, ხელმძღვანელობის წესით, უნდა ჩაითრიოს ისინი სერთო საქმიანობაში.

ფ. ნ-ი


**სასოფლო-სამეურნეო გამოფენა**

**ყურძნის მტევნები**

შესასვლელ კარებთან მოზღვავებულ ხალხს ყოველ წუთს ემატება ახალი ჯგუფები. მოწაფე ახალგაზრდობა დარაზმული მოდის. კარებში ისმის ჩოჩქოლი; მეკარე ვერ ამაგროებს მოწოლილ ხალხს, და იცემა დარბაზი.

აი ამ კუთხეში, სადაც ფიცრებსა და ხის ტოტების ნამტვრევებზე ჰკიდია ყურძნის მტევნები, გამოფენილია ამხანაგობა „საქართველოს ღვინოს“ სამეურნეო იარაღები და პროდუქტები. ვეებერთელა დიაგრამაზე გამოხატულია ღვინის დამზადების ძველი და ახალი საშუალებანი და სასოფლო-სამეურნეო იარაღები; კარგად იცით, რა ტანჯვით აყენებს ღვინოს ჩვენი ქვეყნის მიყრუებული კუთხის მევენახე გლეხი.

რიკული ვაზის ჯიშია, რომელიც ადვილად უძლებს ვაზის უდიდეს მტერს—ფილოქსერას. ვაზს თავის დროზე უნდა ეწამლოს და გასცილდეს ზედმეტი ტოტი. წამლობა უმთავრესად შაბიამანითა და გოგირდით ხდება. კარგი ხარისხის შაბიამანი უცხოეთიდან მოდის, თუმცა ამ ბოლო დროს ამზადებენ ჩვენს კავშირშიაც. ჩვენს კავშირშივე აკეთებენ სარწყავ მანქანებს, რომლებიც წინათ უცხოეთიდან შემოდის. ღვინო საქართველოდან მთელს საბჭოთა კავშირში გადის და უცხოეთსაც სწვდება. ღვინის წარმოების გაუმჯობესებამ მოგვცა გაცილებით მეტი გასატანი საქონელი. ასე, მაგალითად, 1927-28 წლებში გასატანილ იქნა 5000 ვედრო ღვინო, 29 წელს კი 65000 ვ. ღვინის პროდუქციის დამზადებაც დღითი-დღე იზრდება.



გამოფენის ერთ-ერთი კუთხე

მაგრამ მოდის ახალი ქვეყანა და მოაქვს მანქანების კულტურა. მანქანამ მარნებიდან გაყარა საწნეხლები; დაწყებული ვაზის დამყინიდან, ვიდრე ღვინის შენახვამდე, ათასნაირი მანქანა მუშაობს. მანქანით დამყინილი ვაზი გაცილებით საიმედოა და დღეში 5000 ცალამდე იმყნება. ხელით გლეხი დღეში 800 ცალს ამყნის (საშუალოდ). დამყინილი რქაინახება სათბურებში ზამთრის გასატარებლად (დამყნა შემოდგომაზე ხდება). დასამყინი ძირი ამე-

მანქანამ უზრუნველჰყო „ღვინის სისუფთავე და გაუმჯობესა ხარისხი. საწნეხლის მაგივრად დგას ვეებერთელა საწურავი მანქანა. იგი სწრაფად მუშაობს და არეულ ღვინოს გადასცემს მანქანა-ფილტრს, რომელსაც „ჰერკულეს-გიგანტი“ ეწოდება. ერთი ფილტრიდან ღვინო მეორე ფილტრს გადაეცემა, სანამ თერმომეტრი და „განსაკუთრებული გამადიდებელი მიწები არ გვამცნობს ღვინის სიწმინდესა და ხარისხს. ფილტრიდან ღვინო კასრებში გადააქვს მანქანებს, რომლებსაც „გადამსხმელი მანქანებს“ უწოდებენ. გადამსხმელი მანქანები ელექტროს დენით მუშაობს. დარჩენილ ჰაქას ერთხელ კიდევ დასწურავს „ჰაქის საქაჩავი“ და გადასცემს ქვებს არყის გამოსახდელად.

უკვე დამდგარ ღვინოს კარსებიდან „ჩამომსხმელი მანქანები“ გადაიტანენ ბოთლებსა და ღვინის

პატარა ჭურჭლებში, რომლებსაც მანქანითვე აკრავენ ეტიკეტებს. აქედან ღვინო ბაზარზე იგზავნება.

აი როგორი რთული შრომა ჰქირდება კულტურულად მოვლილ ვაზსა და ღვინოს.

**წიწილა მანქანებიდან.**

იმ მანქანას, რომელიც წიწილებს ხელოვნურად გამოჩეკავს, ინკუბატორი ეწოდება. გამოჩეკვა ასე ხდება: ახა-

ლი, კვერცხები ჩალაგდება ხო-  
ლმე ინკუბატორის უჯრებში.  
ინკუბატორში განუწყვეტლივ ტრი-  
ალებს 38-40° სითბო (ცელსით).  
სითბოს რაოდენობას რეგულატო-  
რი აწესრიგებს. სამი კვირის შემ-  
დეგ უკვე გამოჩეკლ წიწილებს ჩა-  
სვამენ ეგრეთწოდებულ „საშუშში“,  
სადაც წიწილები მოლონიერდებიან.  
ამის შემდეგ ისინი ეგზავნებიან  
ხელოვნურ დედას, რომელიც აგრე-  
თვე მანქანას წარმოადგენს („ელ-  
ვეზერი“). ხელოვნურ დედაშიც  
მოქმედობს სითბო. წიწილებს პირ-  
ველ დღე-ღამეში არაფერს არ აჭ-  
მევენ, შემდეგ ერთი კვირის განმავ-  
ლობაში ჰკვებავენ კვერცხით. კვი-  
რის შემდეგ ნელ-ნელა აჭმევენ  
ქაშს, მწვანილს, კვერცხის ნაჭუქს,  
ნახშირს და სხვ. ორი თვის შემდეგ  
წიწილები, ხელოვნური დედის  
მიერ უკვე დაზრდილები, საფრინ-  
ველოში იგზავნებიან.



### აბრეშუმი

აბრეშუმის განყოფილება ერთ-ერთი ლამაზი კუთხეა  
გამოფენაზე. პარკის კრამიტით გადაუხურავთ პატარა  
შენობა; ეს არის პარკის საშრობი ფარდულის მოდელი.  
პარკის შრობა ჩვენში რამდენიმე ადგილას ხდება.  
პარკში ჭუპრს ჰკლავენ ორთქლისა და მაღალი ტემპერა-  
ტურის საშუალებით. გამოფენაზე მტკიცდება, რომ პარ-  
კის ფერი ჭიის ფერზე კი არ არის დამოკიდებული, არა-  
მედ პარკის ფერს განსაზღვრავს აბრეშუმის ძაფის გამო-  
მყოფი ჯირკვლები. ჯირკვლებში ძაფი სითხის სახით არის  
მოთავსებული, მხოლოდ პარკის გარეთ ტემპერატურის  
შეცვლის გამო მაგრდება და იქცევა ძაფად. ყვითელი პარ-  
კი ამოღების დროს ბოლომდე ირღვევა, მეტ ძაფს გვა-  
ძლევს და ამიტომაც მეტად ღირს. თეთრი პარკი ორი  
წილი ირღვევა, მესამე წილი ხარჯად მიდის და ნაკლებ  
ძაფს იძლევა, ამიტომ იაფია.

ჩვენში თუთის ხის მოშენებას ახლა უფრო დიდი ყუ-  
რადლება ექცევა. გლეხის მეურნეობისათვის აბრეშუმი  
შემოსავლის ძლიერი წყაროა და შრომაც ნაკლებია სა-  
ჭირო. პარკისათვის მშრალი ჰავა უფრო გამოსადეგია.

ჩვენი აბრეშუმის ქსოვილები ნაკლები ხარისხისაა, ვი-  
დრე უცხოეთისა, რადგან შესაფერი სპეციალისტები ნაკ-  
ლებად გვყავს. ძაფსალები ქარხნები მრავალ ადგილას  
გვაქვს. აბრეშუმის თესლს განსაკუთრებულ პირობებში  
ამზადებენ, რომ გამოსული აბრეშუმი ჯანსაღი იქნეს.

### ჩაის ბუჩქები.

თიხის ჭურჭლებში მოთავსებული ჩაის ბუჩქები მნახ-  
ველთა ყურადღებას იპყრობს ლამაზი თეთრი ყვავილე-  
ბით და პატარა ვაშლის მსგავსი ნაყოფით.

ამ ბუჩქების ფოთლებიდან კეთდება სასმელი ჩაი.  
ჩაისთვის მხოლოდ ნორჩი ფოთოლია გამოსადეგი, მას  
ახმობენ და განსაკუთრებულ პირობებში ამზადებენ. წი-  
ნათ წამხდარ ჩაის ფოთლებს და ფოთლების მტვერს, რო-  
მელიც დამზადების დროს ცვივოდა, გამოუსადეგარ მასა-  
ლად სთვლიდენ, ახლა კი მისგანაც აკეთებენ ჩაის, რომელ-  
საც „აგურის ჩაი“ ეწოდება. გამოფენაზე ასეთი ჩაიც მოუ-  
ტანიათ, მას მართლაც აგურის ფორმა აქვს და მაგარია.

### ჩირის მანქანა.

— „აი, რაც აქ ვართ, ყველას ბებიებმა რომ შერ-  
თებული ძალით აკეთონ ჩირი, იქნება თუ არა ამ მანქა-  
ნისგან დამზადებული ჩირის ოდენა?“—იკითხა ერთმა.

— ეს მანქანა იმდენს ორიოდ საათში გააკეთებს, —  
მანქანა სწრაფად თლის და აჯლის ღენჭოს; მერე და-  
თლილ ვაშლს მეორე მანქანას გადასცემს სწრაფად, სა-  
დაც იგი შრება, და ნახევარ საათში ჩირი მზადაა.

ვაშლის კანს გემრიელი ჩაისთვის იყენებენ.

### ხილი და ბოსტნეული.

თითქმის მთელი კულტურულად მოვლილი ბოსტანია  
გამოფენილი. აქ ნახავთ მწვანილს, ხილს, კომბოსტოს,  
ხახვს, ერთის სიტყვით, ყველაფერს, რის მოყვანაც ჩვენ-  
ში შესაძლებელია. ქვევით აწყვია განსაცვიფრებელი სი-  
დიდის გოგრები, თითოეული ხუთი ფუთის სიმძიმისა.  
ხილის ჩალაგება გამოფენაზე ნაჩვენებია ძველის და ახა-  
ლის წესით. ძველი წესით ხილი გოდრებში მოუვლელად  
ჰყრია და დალპობა მოვლის. ახალი წესით იგი ყუთებ-  
შია ჩალაგებული სუფთა და თხელ ქაღალდში შეხვეული.

აქვე მოუტანიათ სასოფლო-სამეურნეო იარაღები.

### მატყლი და ზამბა.

მრავალი ცხვრის მატყლია გამოფენილი; მასში პირ-  
ველხარისხოვნად „მერინოსის“ მატყლს ასახელებენ, შე-  
მდეგ თუშური ბატკნისას. კარგად მოვლილი ცხვარი უკე-  
თეს მატყლს იძლევა. ცხვარს ამდენ ხანს კრეჭდენ უბრა-  
ლო მაკრატლით, რომლის დამზადებაც ყველა მჭედელს  
ადვილად შეეძლო. გამოფენაზე მოტანილია სრულიად  
ახალი მაკრატელი; იგი მანქანას წარმოადგენს და ვაცი-  
ლებით მეტ მატყლს აცლის. ცხვარი თანაბრად იკრიჭება  
და ძლიერ სწრაფად.

### ყველის დამზადება.

გამოფენიდან ირკვევა, რომ ჩვენი სოფლის მეურნეო-  
ბა არც მაინც და მაინც ჩამორჩენილია მანქანური წარ-  
მოებით. აი თუნდაც აქ მოტანილი ყველის დამზადებას  
დავაკვირდეთ. მანქანებით მოხდიან რძეს ნალებს, ნაღე-  
ბიდან მანქანებითვე ამზადებენ კარაქს, პირმოხდილი  
რძისაგან ხაჭოსა და ყველს. თექვსმეტი კილოა შევი-

ცარიული ყველისათვის საჭიროა 192 კილო რძე, ქართულისათვის—128 კილო, ჰოლანდიური ყველისათვის 160 კილო და სხვა. ყველაზე რთული შრომა შვეიცარიულ ყველს სჭირდება. იგი თუ კარგად მოვლილია, 5 წლამდე ვარგა, ქართული ყველი კი ერთი წლის შემდეგ აღარ იხმარება.

### პირუტყვის მოვლა.

ალბათ გინახავთ სოფლის კლუბის კედლებზე აკრული სურათი, სადაც გამოხატულია პირუტყვის მოვლა ძველად და ახლა. გამოფენაზე პირუტყვის მოვლას გვაცნობს „საბეთლო სამმართველოს“ კუთხე. აქ ქილებში მოთავსებულია ავადმყოფი და ჯანსაღი ცხოველის სხეულის ნაწილები. ავადმყოფი პირუტყვი სოფლის მეურნეობისათვის საშიშია. მას ადრევე იცილებენ თავიდან. მოვლის კულტურულმა წესმა სოფლიდან განდევნა ძველი წამლობა და მკითხავეები. კულტურულად მოვლილი პირუტყვი გაცილებით სარგებლიანია, ძროხა რძეს გაცილებით მეტს იძლევა და ხბოსაც დიდსა და ჯანსაღს ბადებს. ასევეა სხვა პირუტყვებიც.

### სხვადასხვა.

ვინ მოსთვლის, რამდენი რამ იზიდავს მაყურებელს! აი აქ თაფლის მეურნეობა და სამეურნეო იარაღები. ფუტკარს ხელოვნურ პირობებს უქმნიან, რომ ნაკლები შრომა დასჭირდეს და მეტი თაფლი მოგვცეს.

იქ ხე-ტყის ნიმუშებია, კენაფი, სიმინდი, ძვირფასი ჯიშები ჩვენი ტყისა, თამბაქო მრავალნაირი ხარისხისა და კუთხის, მანქანები მათ საწარმოებლად და სხვა მრავალი.

გამოფენაზე ვაკრულია დიაგრამები და სქემები ჩვენი ქვეყნის კოლექტიური მეურნეობისა და სხვადასხვა სამეურნეო შეკავშირების.

გამოფენა ძლიერ შთაბეჭდილებას ახდენს მაყურებელზე.

ირაკლი აბაშიძე

## ი შ ვ ი ა თ ი გ ა მ ო ფ ე ნ ა .

ბარასკევს, 15 ოქტომბერს, ტფილისში, ხელოვანთა სასახლეში საქ. სახელგამის გამგემ ამხ. ბარონ ბიბინეიშვილმა გახსნა იაპონიის საბავშო ლიტერატურის გამოფენა; გამოფენაზე წარმოდგენილი წიგნები მეტად მრავალფეროვანია და გარეგნობით მიმზიდველი.

ჩვენი მკითხველი ვაკვირდება იმ ამბით, რომ იაპონიაში ჟურნალები გამოდის ქალებისთვის (ცალკე და ვაჟებისთვის ცალკე. ეს ერთგვარი არატოლობის ნიშნის დასმაა ქალ-ვაჟთა შორის. ჟურნალების გამოცემას სქესის მიხედვით არავითარი გასამართლებელი საბუთი არა აქვს.

გამოფენის მნიშვნელოვანი ნაწილი გაუღწეოთილია ბურჟუაზიულ-მილიტარისტული სულით. გამოფენაზე პირდაპირ არის მოცემული მილიტარიზმის განყოფილება, სადაც მთელი რიგი წიგნები იაპონური მილიტარიზმის „გმირულ“ ამბებს ეხება. საბავშო ჟურნალების გარეკანზე გამოხატული პატარა ბავშვები სამხედრო ტანსაცმელში არიან გამოწყობილი.

აქედან ცხადია, თუ რისთვის ესაჭიროება იმპერიალისტურ იაპონიას ახალგაზრდების ასეთი აღზრდა.

იმ დროს, როდესაც ჩვენი საბავშო წიგნი მიზნად ისახავს უბასუხოს საბჭოთა ცხოვრების ყოველდღიურ კითხვებს, იაპონიის საბავშო ლიტერატურაში ფანტაზია და ზღაპრები ბატონობს.

იდეურად ძალიან წინ ვდგავართ ჩვენ. ჩვენი საბავშო ლიტერატურა აკეთებს აღმომავალი კლასის საქმეს, მათი კი—ისტორიის მიერ განწირული კლასის საქმეს.

საერთოდ გამოფენა კარგ შთაბეჭდილებას სტოვებს თავისი გარეგნობით, წიგნის გამოცემის მაღალი კულტურით. ჩვენ შეგვიძლია ვადმოვილოთ იაპონური საბავშო ლიტერატურიდან ყოველივე ის, რაც საუკეთესოა მასში და ჩვენთვის გამოსადეგი.

კ. მე—ძე.



იაპონიის საბავშო ლიტერატურის გამოფენა.

ცხადია, იდეოლოგიურად ეს წიგნები ჩვენთვის მიუღებელია, მაგრამ გამოცემის მხრივ მაინც ყურადღების ღირსია.

აქ არის შემდეგი განყოფილებები: ზღაპრები, ლეგენდები და მოთხრობები, ბავშთა შემოქმედება (რომელშიაც შედის ბავშვების ნახატები და მათ მიერ სკოლებში გამოცემული ჟურნალები), საბავშო ჟურნალები და ვაჟთები (ვაჟებისთვის ცალკე და ქალებისთვის ცალკე), წყლის ტრანსპორტი, ავიაცია, იმპერიალისტური წიგნები, იაპონიის სახალხო ზღაპრები, იუმორი, ცხოველები და ბუნება და სხვა.